

關里誌

ル 5
1581
2冊



目録
ノ
巻

門 儿呂5
1.581
卷 25

闕里誌卷之四

事蹟

尼山毓聖

陬大夫名紇字叔梁以勇力聞諸侯娶魯施氏
生九女而無子其妾生孟皮字伯皮有足疾不
任繼嗣乃求婚於顏氏顏氏有三女其父問曰
陬大夫父祖爲卿士然乃先聖王之裔今其人
身長十尺武力絕倫吾甚貪之雖年高性嚴不
足爲疑三子孰能爲之妻二子莫對其幼徵在
進曰從父所制將何問焉父曰卽爾能矣遂以

妻之出祖庭廣記

周靈王二十一年庚戌即魯襄公二十二年是

年冬十月庚子日先聖生十月庚子即今之八

月二十七日

出孔庭纂要○傳云孔子未生時

精之子繼衰周而為素王顏氏異之以繡紱繫

麟之角信宿而去懷妊十一月生○祖庭廣記

云顏氏禱於尼丘升之谷草木之葉皆上起降

之谷草木之葉皆下垂及懷妊十一月而生是

女有二龍統室五老降庭五老者五星之精也

顏氏之房聞鈞天之樂空中有聲

云天感生聖子故降以和樂之音

年譜起庚戌盡壬戌

一歲在魯

二歲在魯

三歲聖父叔梁紇卒塋於魯東防山

四歲在魯是年弟子秦商生

六歲為兒嬉戲嘗陳俎豆設禮容是年弟子顏

路生

七歲周靈王崩景王立

九歲在魯是年弟子仲由生

十歲魯襄公薨昭公立

十一歲在魯是年弟子漆雕開生

十五歲子曰吾十有五而志于學是年弟子閔

損生

十六歲

十七歲魯大夫孟懿子與兄南宮敬叔往學禮焉

十九歲娶宋元官氏

二十歲仕於魯爲委吏子鯉生

二十一歲爲乘田吏

二十四歲聖母顏氏夫人卒合葬於防

二十六歲母喪既祥五日彈琴而不成聲十日而成笙歌

二十七歲鄉子來朝魯人叔孫昭子問官對曰吾祖也我知之

二十八歲孔子往見鄉子而學焉既而告人曰天子失官學在四夷猶信

二十九歲聞師襄善琴遂適晉學之是年弟子冉求商瞿梁鱣生

三十歲孔子自謂三十而立是年弟子高柴巫馬施生

三十一歲齊景公遣使來聘孔子適齊

三十二歲周景王崩敬王立孔子在齊景公欲

以廩丘之邑爲孔子養辭不受謂弟子曰吾聞之君子當有功受賞今吾言而君未行乃先賜邑其不知丘亦甚矣

三十三歲孔子在齊景公舍於外館周使至言先王廟災公曰何王之廟孔子曰其釐王之廟乎公曰何以知之孔子曰釐王變文武之制作玄黃華麗之飾宮室崇峻與馬奢侈天災所宜加也既而使者報釐王廟災公驚曰善乎聖人之智過人遠矣

三十四歲訪樂于襄私私謂劉文公曰吾觀仲尼有聖人之表河目而龍頰黃帝之形貌也脩肱而龜背長九尺六寸成湯之形體也言必稱先王躬履謙讓洽聞強記博物不窮其聖人之興者乎周使伯常騫問道孔子曰剛者必折勁者數傷倨者不親利者必弊此四者君子之所戒也孔子觀乎明堂視四門墉有堯舜桀紂之象又有周公抱成王負斧扆朝諸侯之圖謂從者曰夫明鏡所以察形往古所以知今又入后稷廟有金人三緘其口而銘其背曰古之慎言人也誠之哉無多言

多言多敗無多事多事多患安樂必誠無所
行悔勿謂何傷其禍將長勿謂何害其禍將
大勿謂不聞神將伺人焔焔不滅炎炎若何
涓涓不壅終爲江河綿綿不絕或成網羅毫
末不扎將尋斧柯誠能慎之福之根也口是
何傷禍之門也強梁者不得其死好勝者必
遇其敵盜憎主人民怨其上君子知天下之
不可尚也故下之知衆人之不可先也故後
之溫恭慎德使人慕之人皆趨彼我獨守此
人皆感之我獨不徙內藏我智不示人技我

雖尊高人弗我害誰能於此江海雖左長於
百川以其卑也天道無親而能下人誠之哉
顧謂弟子曰小子識之此言實而中情而信
三十五歲孔子與南宮敬叔適周見老聃而問
禮焉老聃曰子所言其人與骨皆已朽矣獨
其言在耳且君子得時則駕不得時則蓬累
而行吾聞之良賈深藏若虛君子盛德容貌
若愚去子之驕氣與多慾態色與淫志皆無
益於子之身吾之所告子者若此而已

三十六歲在齊聞韶反乎魯是年弟子樊須生

三十七歲自齊歸魯見延陵季子聘於上國季子之子死孔子往觀其葬曰延陵季子其合禮矣

三十九歲在魯是年弟子顏淵澹臺滅明生

四十歲子曰四十而不惑

四十二歲魯昭公薨定公立是年弟子公西赤生

四十三歲在陳是年弟子有若生

四十四歲在魯是年弟子卜商生

四十五歲在魯是年弟子言偃生

四十六歲在魯觀於魯桓公之廟有欹器焉問於守廟者此謂何器對曰此爲宥坐之器孔子曰吾聞宥坐之器虛則欹中則正滿則覆明君以爲至誠故常置之於坐側顧謂弟子曰試注水焉乃注之水中則正滿則覆夫子喟然嘆曰嗚呼夫物惡有滿而不覆者哉子路進曰敢問持滿有道乎子曰聰明睿守之以愚功被天下守之以讓勇力振世守之以怯富有四海守之以謙此所謂損之又損之道也是年弟子魯參顏辛生

四十七歲魯定公以爲中都宰制爲養生送死之節長幼異食強弱異任男女別途路無拾遺器不離僞爲四寸之棺五寸之槨因丘陵爲墳不封不樹行之一年而四方之諸侯則焉定公謂孔子曰學子此法以治魯國何如孔子對曰雖天下可也何但魯國而已哉於是二年定公以爲司空乃別五土之性而物各得其所生之宜由司空爲魯大司寇設法而不用無奸民

四十八歲遷司空是年弟子顓孫師生

四十九歲是年弟子宓不齊生

五十歲遷司寇斷獄必平先是年弟子叔仲會冉孺曹邴伯虔生

五十一歲以司寇攝朝政七日而誅亂政大夫少正卯于兩觀之下子貢進曰夫少正卯魯之聞人也今夫子爲政而始誅之或者爲失乎子曰天下有大惡五而竊盜不與焉心逆而險行僻而堅言僞而辨記醜而博順非而撓五者有一於人則不免君子之誅少正卯皆兼有之此乃人之奸雄故不可赦也

五十二歲攝相事魯定公與齊侯會于夾谷將
盟齊人加載書曰齊師出境而不以兵車三
百乘從我者有如此盟孔子使茲無還對曰
而不返我汶陽之田吾以供命者亦如之齊
侯將設享禮孔子謂梁丘據曰齊魯之故吾
子何不聞焉事既成矣而又享之是勤執事
且犧象不出門嘉樂不野合享而既具是棄
禮若其不具是用粃稗用粃稗君辱棄禮名
惡于盍圖之夫享所以昭德也不昭不如其
已乃不果享

五十三歲爲大司寇國人謗之曰麇裘無鞞技
之無戾鞞之麇裘技之無郵旣而政化盛行
魯有敗羊者沈猶氏常朝飲羊以詐市人公
慎氏妻淫不制慎潰氏奢侈踰法粥六畜者
飾僞以儲價及是則沈猶氏不敢飲羊公慎
氏出其妻慎潰氏越境而徙國人誦之曰袞
衣章甫實獲我所章甫袞衣惠我無私

五十四歲言於定公墮三都

五十五歲魯國大治齊人致女樂膳肉不至不
脫冕而行乃作荷蘭之操曰習習谷風以陰

以甬之子于歸遠送于野何彼蒼天不得其所
道遙九州無有定處世人闇蔽不知賢者
年紀逝邁一身將老遂適衛

五十六歲適衛自衛至曹自曹至宋

五十七歲自宋適陳過匡匡人圍之既而甲者
進曰吾初以爲陽虎也遂解圍

五十九歲適衛靈公老怠於政不用孔子孔子
喟然嘆曰苟有用我者暮月而已三年有成

居衛月餘去衛適曹曹人不答去曹適宋

六十歲自宋適鄭遂至陳

六十一歲自陳適蔡遂適衛

六十二歲在衛佛肸爲中牟宰趙簡子軼攻范
中行氏伐中牟佛肸叛置鼎於庭不與已者
烹之使人召孔子孔子欲往子路不悅會簡
子使人來聘西至河間竇鳴犢舜華之死於
是回車息鄒鄉作鄒操以哀之曰周道衰微
禮樂凌遲文武旣墜吾將焉師周游天下靡
邦可依鳳鳥不識玕寶梟鳴眷焉顧之慘焉
心悲升車命駕將適晉都黃河洋洋悠悠之
魚臨津不濟還轅息陬傷予道窮哀彼無辜

翱翔于衛復我舊廬從吾所好其樂只且

六十三歲自衛之陳陳侯起陵陽之臺未畢而死者數十人又執三監吏將殺之孔子既見陳侯與登臺而觀陳侯曰昔周作靈臺亦戮人乎對曰文王之興附者六州六州之衆以子道來不日成之何戮之有陳侯赦所執吏遂罷孔子自陳如蔡自蔡如葉葉公問政又問孔子於子路既而反蔡有沮溺耦耕丈人荷篠等事時宰予在楚楚昭王欲以安車象飾遺孔子宰我曰夫子無以此爲也自臣從

夫子以來夫子言不離道動不遺仁貴義尙德清而好儉仕而不祿所以爲積不合則去退無吝心妻不服采妾不衣帛車器不雕馬不食粟道行則樂其治不行則樂其身此所以爲夫子也若夫觀日之麗靡窈窕之淫音夫子過之弗視遇之弗聽故臣知夫子無用此車也王曰今而後知夫子之德也時齊有一足鳥飛集於公朝舒翅而躡齊侯怪之使使問孔子孔子曰此鳥各商羊水祥也昔童兒屈脚振肩而躡且謠曰天將大雨商羊鼓

舞今齊有之其應至矣頃之大霖雨水溢泛
時楚昭王渡江有一物觸王舟使使問孔子
孔子曰此萍實也其甘如蜜使曰何以知之
子曰吾昔之鄭過乎陳之野聞小兒謠曰楚
王渡江得萍實大如斗赤如日剖而食之甘
如蜜得無是乎是歲吳伐陳楚昭王救陳使
人來聘陳蔡圍之有笞子路愠見之語孔子
又曰芝蘭生於深林不以無人而不芳君子
脩道立德不以窮困而改節爲之者人也生
死者命也昭王與師迎孔子然後得免昭王
將以書社地封孔子令尹子西曰非楚之福
乃止孔子自楚反乎衛

六十四歲在衛

六十六歲夫人元官氏卒

六十七歲伯魚母死暮年而猶哭夫子聞之曰
誰歟門人曰鯉也孔子曰嘻其甚也伯魚聞
之遂除之

六十八歲在衛季康子迎孔子孔子乃歸魯作
丘陵之歌曰登彼丘陵崩斃其阪仁道在邇
求之若遠遂迷不復自嬰屯蹇喟然四顧題

彼泰山鬱確其高粱甫四連枳棘充路陟之
無緣將伐無柯患茲蔓延惟以永嘆涕泪潺
湲然魯終不能用孔子孔子亦不求仕乃叙
書傳禮記刪詩正樂序易彖繫象說卦文言
脩春秋製孝經時弟子三千身通六藝者七
十二人

六十九歲子伯魚卒

七十歲在魯哀公館焉公自阼階孔子自賓階
升堂立侍公命以席問政孔子對曰政之急
莫大乎使民富且壽也公曰爲之奈何對曰
省力後薄賦歛則民富崇禮教遠罪戾則民
壽公曰富人欲行夫子之言恐吾國貧不能
至也對曰詩云愷悌君子民之父母未有子
富而父母貧者公曰富人生於深宮之中長
於婦人之手未嘗知哀知憂知勞知懼知危
不足以行此也對曰君入太廟如右登自阼
階仰視榑桷俯察几筵其器皆存而不覩其
人以此思哀則哀可知矣昧爽風興正其衣
冠平旦視朝慮其危難一物失理亂亡之端
以此思憂則憂可知矣日出聽政至於中昃

諸侯子孫來往如賓行禮揖讓慎其威儀以
此思勞則勞可知矣緬然長思出於四門周
章遠望視亡國之墟必將有數焉以此思懼
則懼可知矣夫君者舟也庶人者水也水能
載舟亦能覆舟以此思危則危可知矣公曰
善於是廢山澤之禁弛關市之稅以惠百姓
七十一歲魯哀公十四年春西狩獲麟孔子曰
吾道窮矣乃歌曰唐虞世兮麟鳳游今非其
時來何求麟兮麟兮我心憂歌畢反袂拭面
涕淚沾襟作春秋絕筆於獲麟所感而起所
以爲終也

七十二歲在魯

七十三歲魯哀公十六年四月乙丑節今之二
月十八日孔子卒葬魯城在泗上

以上出素王事紀

民十八日孔子卒葬於城北

王車路
以土出表

子十三歲魯哀公十六年四月五日正明今之二

十一歲亦葬

以蘇於也

關里誌卷之五

史記世家

孔子生魯昌平鄉陬邑其先宋人也曰孔防叔
 防叔生伯夏伯夏生叔梁紇紇與顏氏禱於尼
 丘得孔子魯襄公二十二年而孔子生生而首
 上圩頂故因名曰丘云字仲尼丘生而叔梁紇
 死葬於防山防山在魯東孔子為兒嬉戲常陳
 俎豆設禮容孔子母死合葬於防焉年十七魯
 大夫孟釐子病且死誡其嗣懿子曰孔某聖人
 之後吾聞聖人之後雖不當世必有達者今孔

其年少好禮其達者歟吾卽沒若必師之及釐
子卒懿子與魯人南宮敬叔往學禮焉是歲季
武子卒平子代立孔子貧且賤及長甞爲季氏
史料量平甞爲司職吏而畜蕃息由是爲司空
已而去魯斥乎齊逐乎宋衛困於陳蔡之間於
是反魯魯南宮敬叔言魯君曰請與孔子適周
魯君與之一乘車兩馬一豎子俱適周問禮蓋
見老子云辭去而老子送之曰吾聞富貴者送
人以財仁人者送人以言吾不能富貴竊仁人
之號送子以言曰聰明深察而近於死者好議
人者也博辯廣大而危其身者好發人之惡也
也爲人子者毋以有己爲人臣者毋以有己孔
子自周反於魯弟子稍益進焉是時也晉平公
淫六卿擅權東伐諸侯楚靈王兵彊陵轢中國
齊大而近於魯魯小弱附於楚則晉怒附於晉
則楚來伐不備於齊齊師侵魯魯昭公之二十
年而孔子蓋年三十矣齊景公與晏嬰來適魯
景公問孔子曰昔秦穆公國小處僻其霸何也
對曰秦國雖小其志大處雖僻行中正身舉五
穀爵之大夫起纍繼之中與語三日授之以政

以此取之雖王可也其霸小矣景公說孔子年
三十五而季平子與邠昭伯以鬪鷄故得罪魯
昭公昭公率師擊平子平子與孟氏叔孫氏三
家共攻昭公昭公師敗奔於齊齊處昭公乾侯
其後頃之魯亂孔子適齊爲高昭子家臣與齊
太師語樂聞韶音學之三月不知肉味齊人稱
之有景公問政孔子曰君君臣臣等語他日又
問政於孔子孔子曰政在節財景公說將欲以
尼谿田封孔子晏嬰進曰夫儒者滑稽而不可
軌法倨傲自順不可以爲下崇喪遂哀破產厚
葬不可以爲俗游說乞貸不可以爲國自大賁
之息周室旣衰禮樂缺有間今孔子盛容飾繁
登降之禮趨詳之節累世不能殫其學當年不
能究其禮君欲用之以移齊俗非所以先細民
也後景公敬見孔子不問其禮異日景公止孔
子曰奉子以季氏吾不能以季孟之間待之齊
大夫欲害孔子孔子聞之景公曰吾老矣弗能
用也孔子遂行反乎魯孔子年四十二魯昭公
卒於乾侯定公立定公立五年夏季平子卒桓
子嗣立季桓子穿并得土缶中若羊鬮仲尼云

得狗仲尼曰以丘所聞羊也丘聞之木石之怪
夔罔蝮水之怪龍罔象土之怪羆羊吳伐越墮
會稽得骨節專車吳使使問仲尼骨何者最大
仲尼曰禹致羣神於會稽山防風氏後至禹殺
而戮之其節專車此爲大矣吳客曰誰爲神仲
尼曰山川之神足以綱紀天下其守爲神社稷
爲公侯皆屬於王者客曰防風氏何守仲尼曰
汪罔氏之君守封禺之山爲釐姓在虞夏商爲
汪罔於周爲長翟今謂之大人客曰人長幾何
仲尼曰僬僿氏三尺短之至也長者不過十數
之極也於是吳客曰善哉聖人桓子嬖臣曰仲
梁懷與陽虎有隙陽虎欲逐懷公山不狃止之
其秋懷益驕陽虎執懷桓子怒陽虎囚桓子
與盟而釋之陽虎由此益輕季氏季氏亦僭於
公室陪臣執國政是以魯自大夫以下皆僭離
於正道故孔子不仕退而脩詩書禮樂弟子彌
衆至自遠方莫不受業焉定公八年公山不狃
不得意於季氏因陽虎爲亂欲廢三桓之嫡更
立其庶孽陽虎素所善者遂執季桓子桓子詐
之得脫定公九年陽虎不勝奔于齊是時孔子

年五十公山不狃以費畔季氏使人召孔子孔子循道彌久溫溫無所試莫能已用曰蓋周文武起豐鎬而王今費雖小儻庶幾乎欲往子路不說止孔子有夫召我者等語然亦卒不行其後定公以孔子爲中都宰一年四方皆則之由中都宰爲司空由司空爲大司寇定公十年春及齊平夏齊大夫犁鉏言於景公曰魯用孔某其勢危齊乃使使告魯爲好會會於夾谷魯定公且以乘車好往孔子攝相事曰臣聞有文事者必有武備有武事者必有文備古者諸侯出疆必具官以從請具左右司馬定公曰諾具左右司馬會齊侯夾谷爲壇位土階三等以會遇之禮相見揖讓而登獻酬之禮畢齊有司趨而進曰請奏四方之樂景公曰諾於是旌旄羽葆矛戟劍撥鼓噪而至孔子趨而進歷階而登不盡一等舉袂而言曰吾兩君爲好會夷狄之樂何爲於此請命有司有司却之不去則左右視晏子與景公景公心忤麾而去之有頃齊有司趨而進曰請奏宮中之樂景公曰諾優倡侏儒爲戲而前孔子趨而進歷階而登不盡一等曰

匹夫熒惑諸侯者罪當誅請命有司有司加法
焉手足異處景公懼而動知義不若歸而大恐
告其群臣曰魯以君子之道輔其君而子獨以
夷狄之道教寡人使得罪於魯君爲之奈何有
司進對曰君子有過則謝以質小人有過則謝
以文君若憚之則謝以實於是齊侯乃歸所侵
魯之鄆汶陽龜陰之田以謝過定公十三年夏
孔子言於定公曰臣聞家不藏甲大夫無百雉
之城今三家過制請損之使仲由爲季氏宰墮
三都於是叔孫氏先墮郈季氏將墮費公山不
仁叔孫輒率費人襲魯公與三子入于季氏之
宮登武子之臺費人攻之及臺側孔子命申句
須樂頎下伐之費人北國人追之敗諸姑蔑二
子奔齊遂墮費將墮郈公斂處父謂孟孫曰墮
郈齊人必至于北門且郈孟氏之保障無郈是
無孟氏也我將弗墮十二月公圍郈弗克定公
十四年孔子年五十六由大司寇行攝相事有
喜色門人曰聞君子禍至不懼福至不喜孔子
曰有是言也不曰樂其以貴下人乎於是誅魯
大夫亂政者少正卯與聞國政三月粥羔豚者

弗飾賈男女行者別於塗塗不拾遺四方之客
至乎邑者不求有司皆予之以歸齊人聞而懼
曰孔子爲政必霸霸則吾地近焉我爲之先并
矣盍致地焉犁鉏曰請先嘗沮之沮之而不可
則致地庸遲乎於是選齊國中女子好者八十
人皆衣文衣而舞康樂文馬三十駟遺魯君陳
女樂文馬於魯城南高門外季桓子微服往觀
再三將受乃語魯君爲周道游往觀終日怠於
政事子路曰夫子可以行矣孔子曰魯今日且郊
如致膳于大夫則吾猶可以止桓子卒受齊女

樂三日不聽政郊又不致膳俎于大夫孔子遂
行宿於屯而師已送曰夫子則非罪孔子曰吾
歌可夫歌曰彼婦之口可以出走彼婦之詞可
以死敗蓋優哉游哉維以卒歲師已反桓子曰
孔子亦何言師已以實告桓子喟然嘆曰夫子
罪我以群婢故也孔子遂適衛至於子路妻兄
顏濁鄒家衛靈公問孔子居魯得祿幾何對曰
奉粟六萬衛人亦致粟六萬居頃之或譖孔子
於衛靈公靈公使公孫余假一出入孔子恐
獲罪焉居十月去衛將適陳過匡顏刻爲僕以

其策指之曰昔吾入此由彼缺也匡人聞之以
爲魯之陽虎陽虎嘗暴匡人匡人於是遂止孔
子孔子狀類陽虎拘焉五日顏淵後有吾以汝
爲死矣等語匡人拘孔子益急弟子懼孔子有
文王既歿文不在茲乎等語孔子使從者爲甯
武子臣於衛然後得去去卽過蒲月餘反乎衛
至蘧伯玉家靈公夫人有南子者使人謂孔子
曰四方之君子不厭欲與寡人爲兄弟者必見
寡小君寡小君願見孔子辭謝不得已而見之
夫人在絺帷中孔子入門北面稽首夫人自帷
中再拜環珮玉聲琤然孔子曰吾鄉爲弗見見
禮答焉有子路不說等語居衛月餘靈公與夫
人同車宦者雍渠參乘出使孔子爲次乘招搖
市過之孔子曰吾未見好德如好色者也於是
醜之去衛過曹是歲魯定公卒孔子去曹適宋
與弟子習禮大樹下宋司馬桓魋欲殺孔子援
其樹孔子去弟子曰可以速矣有孔子天生德
於予等語孔子適鄭與弟子相失孔子獨立郭
東門鄭人或謂子貢曰東門有人其類似堯其
項類臯陶其肩類子產自腰以下不及禹三寸

鬻鬻若喪家之狗子貢以實告孔子孔子欣然
笑曰形狀未也而似喪家之狗然哉然哉孔子
遂至陳主於司城貞子家歲餘吳王夫差伐陳
取三邑而去趙鞅伐朝歌楚圍蔡蔡遷于吳吳
敗越王句踐會稽有隼集于陳廷而死楛矢貫
之石矝矢長尺有咫陳潛公使使問仲尼仲尼
曰隼來遠矣此肅慎之矢也昔武王克商通道
九夷八蠻使各以其方物來貢使無忘職業於
是肅慎貢楛矢石矝長尺有咫先王欲昭其令
德以肅慎矢分大姬配虞胡公而封諸陳分同
姓以珍玉展親也分異姓以遠方貢使無忘服
故分陳以肅慎矢試求之故府果得之孔子居
陳三歲會晉楚爭強更伐陳及吳侵陳陳常被
寇有孔子歸與歸與吾黨之小子狂簡等語於
是孔子去陳過蒲會公叔氏以蒲畔蒲人止孔
子弟子有公良孺者以私車五乘從孔子其爲
人長賢有勇力謂曰吾昔從夫子遇難於匡今
又遇難於此命也吾與夫子再罹難寧鬪而死
鬪甚疾蒲人懼謂孔子曰苟毋違衛吾出子與
之盟出孔子東門孔子遂適衛子貢盟可負邪

孔子曰要盟也神不聽衛靈公聞孔子來喜郊迎問曰蒲可伐乎對曰可靈公曰吾大夫以爲不可今蒲衛之所以待晉楚也以衛伐之無乃不可乎孔子曰其男子有死之志婦人有保西河之志吾所伐者不過四五人靈公曰善然不伐蒲靈公老怠於政不用孔子孔子有苟有用我者等語孔子行佛肸爲中牟宰趙簡子攻范中行伐中牟佛肸哂使人召孔子孔子欲往有子路曰由聞諸夫子親於其身爲不善者及夫子焉能繫而不食等語又孔子擊磬荷蕢過門者等語孔子學鼓琴師襄子十日不進師襄子曰可以益矣孔子曰丘已習其曲矣未得其數也有間曰已習其數可以益矣孔子曰丘未得其志也有間曰已習其志可以益矣孔子曰丘未得其爲人也有間曰有所穆然深思焉有所怡然高望而遠志焉曰丘得其爲人黜然而黑頽然而長眼如望羊如王四國非文王其誰能爲此也師襄子辟席再拜曰師蓋云文王操也孔子旣不得用於衛將西見趙簡子至於河而聞竇鳴犢舜華之死也臨河而嘆曰美哉水洋

洋乎丘之不濟此命也夫子貢趨而進曰敢問
何謂也孔子曰竇鳴犢舜華晉國之賢大夫也
趙簡子未得志之時須此兩人而後從政及其
已得志殺之乃從政丘聞之也刳胎殺夭則麒麟
不至其郊竭澤涸漁則蛟龍不處其淵覆巢
毀卵則鳳凰不翔其邑鳥獸之於不義也尙知
辟之而况乎丘哉乃還息乎陬鄉作爲陬操以
哀之而反乎衛入主蘧伯玉家他日有靈公問
陳等語明日與孔子語見蜚鴈仰視之色不在
孔子遂行復如陳夏衛靈公卒立孫軌是爲衛
出公六月趙鞅內太子蒯聵于戚陽虎使太子
綏八人哀經僞自衛迎者哭而入遂居焉冬蔡
遷于州來是歲魯哀公三年而孔子年六十矣
齊助衛圍戚以衛太子蒯聵在故也夏魯桓釐
廟燔南宮敬叔救火孔子在陳聞之曰災必於
桓釐廟乎已而果然秋季桓子病輦而見魯城
喟然歎曰昔此國幾興矣以吾獲罪於孔子故
不興也顧謂其嗣康子曰我卽死若必相魯相
魯必召仲尼後數日桓子卒康子伐立已葬欲
召仲尼公之魚曰昔吾先君用之不終終爲諸

侯笑今又用之不能終是再爲諸侯笑康子曰
則誰召而可曰必召冉求於是使使召冉求冉
求將行孔子曰魯人召求非小用之將大用之
也是日孔子思歸子贛知孔子思歸送冉求因
誡曰卽用以孔子爲招云冉求旣去明年孔子
自陳遷於蔡蔡昭公將如吳吳召之也前昭公
欺其臣遷州來後將往大夫懼復遷公孫翩射
殺昭公楚侵蔡秋齊景公卒明年孔子自蔡如
葉葉公問政孔子曰政在來遠附滿他日又有
葉公問孔子於子路子路不對等語去葉反于
蔡有長沮桀溺耦而耕及天下有道某不與易
也等語又他日有子路行遇荷蓧丈人曰子見
夫子乎及君子之仕也行其義也等語孔子遷
于蔡三歲吳伐陳楚救陳軍于城父聞孔子在
陳蔡之間楚使人聘孔子孔子將往拜禮陳蔡
大夫謀曰孔子賢者所刺譏皆中諸侯之疾今
者久留陳蔡之間諸大夫所設行皆非仲尼之
意今楚大國也來聘孔子孔子用於楚則陳蔡
危矣於是乃相與發徒後圍孔子於野不得行
絕糧從者病莫能興孔子講誦絃歌不衰有子

路愠見等語孔子知弟子有愠心有乃召子路而問曰詩云匪兕匪虎率彼曠野吾道非邪吾何爲於此子路曰意者吾未仁邪人之不我信也意者吾未智邪人之不我行也孔子曰有是乎由譬使仁者而必信安有伯夷叔齊使智者而必行安有王子比干子路出子貢入見孔子曰賜詩云匪兕匪虎率彼曠野吾道非邪吾何爲於此子貢曰夫子之道至大故天下莫能容夫子盍少貶焉孔子曰賜良農能稼而不能爲穡良工能巧而不能爲順君子能脩其道綱而紀之統而理之而不能爲容今爾不脩爾道而求爲容賜而志不遠矣子貢出顏回入見孔子曰回詩云匪兕匪虎率彼曠野吾道非邪吾何爲於此顏回曰夫子之道至大故天下莫能容雖然夫子推而行之不容何病不容然後見君子夫道之不脩也是吾醜也夫道旣已大脩而不用是有國者之醜也不容何病不容然後見君子孔子欣然而笑曰有是哉顏氏之子使爾多財吾爲爾宰於是使子貢至楚楚昭王與師迎孔子然後得免昭王將以書社地七百里封

孔子楚令尹子西曰王之使使諸侯有如子貢者乎曰無有王之輔相有如顏回者乎曰無有王之將帥有如子路者乎曰無有王之官尹有如宰予者乎曰無有且楚之祖封於周號爲子男五十里今孔某述三王之法明周召之業玉若用之則楚安得世世堂堂方數千里乎夫文王在豐武王在鎬百里之君卒王天下今孔某得據土壤賢弟子爲佐非楚之福也昭王乃止其秋楚昭王卒于城父有楚狂接輿歌而過孔子等語於是孔子自楚反乎衛是歲也孔子年六十二而魯哀公六年也其明年吳與魯會於微百牢太宰嚭召季康子康子使子貢往然後得已孔子曰魯衛之政兄弟也是時衛君輒父不得立在外諸侯數以爲讓而孔子弟子多仕於衛衛君欲得孔子爲政有子路曰衛君待子而爲政等語其明年冉有爲季氏將帥與齊戰於郎克之季康子曰子之於軍旅學之乎性之乎冉有曰學之於孔子季康子曰孔子何如人哉對曰用之有名播之百姓質諸鬼神而無憾求之至於此道雖累千社夫子不利也康子曰

我欲召之可乎對曰欲召之則毋以小人固之
則可矣而衛孔文子將攻太叔問策於仲尼仲
尼辭不知退而命載而行曰鳥能擇木木豈能
擇鳥乎文子固止會季康子逐公華公賓公林
以幣迎孔子孔子歸魯孔子之去魯凡十四歲
而反乎魯魯哀公問政對曰政在選臣季康子
問政曰舉直錯諸枉則枉者直康子患盜孔子
曰苟子之不欲雖賞之不竊然魯終不能用孔
子孔子亦不求仕孔子之時周室微而禮樂廢
詩書缺追述三代之禮序書傳上紀唐虞之際
下至秦繆編次其事及吾自衛反魯然後樂正
等語古者詩三千餘篇及至孔子去其重取可
施於禮義上采契后稷中述殷周之盛至幽厲
之缺始於衽席故曰關雎之亂以爲風始鹿鳴
爲小雅始文王爲大雅始清廟爲頌始三百五
篇孔子皆絃歌之以求合韶武雅頌之音禮樂
自此可得而述以備王道成六藝孔子晚而喜
易序彖繫象說卦文言讀易韋編三絕曰假我
數年若是我於易則彬彬矣孔子以詩書禮樂
教弟子蓋三千焉身通六藝者七十有二人如

顏濁鄒之徒頗受業者甚衆魯哀公十四年春
狩大野叔孫氏車子鉏商獲獸以爲不祥仲尼
視之曰麟也取之曰河不出圖洛不出書吾已
矣夫顏淵死孔子曰天喪予及西狩見麟曰吾
道窮矣乃因史記作春秋上至隱公下訖哀公
十四年舉十二公行事繩之以文武之道成一
王之法其文約其指博故吳楚之君自稱王而
春秋貶之曰子踐土之會實召周天子而春秋
諱之曰天王狩於河陽推此類以繩當世假損
之義後有王者舉而開之春秋之義行則天下
亂臣賊子懼焉孔子在位聽訟文辭有可與人
共者弗獨右也至於爲春秋筆則筆削則削游
夏之徒不能贊一辭弟子受春秋孔子曰後世
知丘者以春秋而罪丘者亦以春秋明歲子路
死於衛孔子病子貢請見孔子方負杖逍遙於
門曰賜汝來何其晚也孔子因歎歌曰泰山壞
乎梁柱摧乎哲人萎乎因以涕下謂子貢曰天
下無道久矣莫能宗予夏人殯於東階周人殯
於西階殷人兩柱間昨暮予夢坐奠兩柱之間
予殆殷人也後七日卒孔子年七十三以魯哀

公十六年四月乙丑卒哀公誄之曰旻天不弔
不憇遺一老俾屏余一人以在位煢煢余在疚
嗚呼哀哉尼父母自律子貢曰君其不沒於魯
乎夫子之言曰禮失則昏名失則愆失志爲昏
失所爲愆生不能用死而誅之非禮也稱余一
人非名也孔子葬魯城北泗上弟子皆服三年
三年心喪畢相訣而去則哭各復盡哀或復留
唯子貢廬於塚上凡六年然後去弟子及魯人
往從塚而家者百有餘室因命曰孔里魯世世
相傳以歲時奉祠孔子塚而諸儒亦講禮鄉飲
大射於孔子塚孔子塚大一頃故所居堂弟子
內後世因廟藏孔子衣冠琴車書至于漢二百
餘年不絕高皇帝過魯以太牢祠焉諸侯卿相
至常先謁然後從政孔子生鯉字伯魚伯魚年
五十先孔子死伯魚生伋字子思年六十二嘗
困於宋子思作中庸子思生白字子上年四十
七子上生求字子家年四十五子家生箕字子
京年四十六子京生穿字子高年五十一子高
生子慎年五十七嘗爲魏相子慎生鮒年五十
七爲陳王涉博士死於陳下鮒弟子襄年五十

七嘗爲孝惠皇帝博士遷爲長沙太守長九尺
六寸子襄生忠年五十七忠生武武生延年及
安國安國爲今皇帝博士至臨淮太守蚤卒安
國生邛邛生驪

關里誌卷之六

禮樂誌

敘曰先王制禮作樂所以通神明正情性合和
邦國而祖洽黔黎者也自姚姒子姬之觴尚或
樸而不文或文而不慙非夫子折衷而定之曷
繇令經曲律呂洋洋纒纒萬世率由而無弊乎
以故上肇炎漢下暨勝國代有誌祀以隆報稱

至

明恪共愈篤禮脩四代樂用八佾崇儒重道之
典猗歟休哉昭天地而超今古矣用是標祀典

于首重玉帛祝嘏之遣告也而章服謚號皆禮之大者故分類而記之至于禮器樂章懼其散佚也爰稽其典制摭其顛末俾俎豆之可鼓翟之吏有所尋而守焉作禮樂誌

祀典

漢

高帝十一年過魯以太牢祀孔子詔諸侯王卿相

至郡先廟謁而後從政丘濬曰此漢以下祀孔子之始亦新官到任謁

廟之始一尹起莘曰自堯舜禹湯文武既沒天生孔子為萬代仁義禮樂之宗主生民之類不

至庶幾爛絕滅者吾聖道扶持之功用也自秦燔

詩書坑學士其禍至于陳項極矣漢高之興過

魯首祠孔子見天理之在人心中自有不可得而

泯沒者漢氏四百年基業其精神命脉蓋在于此

元帝初元元年詔褒成君霸以所食邑八百戶祀孔子還子福名數於魯

光武建武五年帝過闕里使大司空以太宰祀孔子

子

明帝永平十五年東巡至

魯詣闕里宅廟祀孔子

及七十二弟子

張朝瑞曰此後世祀孔子弟子之始

章帝元和二年東狩過魯幸闕里以太宰祀孔子

及七十二賢作六代之樂親御講堂命皇太子

諸王說經帝時升廟西面立群臣中庭北面皆

再拜帝進爵而後坐大會孔氏男子二十以上

者六十二人命以儒巾

今日之會寧於卿宗有

主莫不尊師貴道今陛下親屈萬乘辱臨闕里

此乃崇禮先師增輝聖德至於光榮非所敢承

帝笑曰非聖人子孫焉有斯言遂拜信都中并賜

孔氏男女錢帛詔僖從還京師

安帝延光三年過魯祀孔子及七十二弟子於闕

里孔氏族屬榮以衣冠悉會賚帛有差

桓帝元嘉二年詔孔子廟置直百戶卒史一人掌領

禮器春秋享禮出王家錢給大酒直河南尹給

牛羊豕各一大司農給米

靈帝建寧二年詔祀孔子依社稷出王家穀春秋

行禮光和元年始置鴻都門學畫先聖及七十二弟子像

三國魏

正始二年帝講論語使太常釋奠以太牢祀孔子

於辟雍

丘濬曰漢以來釋奠之禮始見於此此祀孔子者皆於闕里至是始行於太

學

晉

武帝泰始三年詔魯國四時脩三牲祀孔子

七年皇太子講經親釋奠于太學

丘濬曰此太子釋奠之

東晉

元帝太興二年皇太子親釋奠先聖於太學廟

明帝太寧二年詔奉聖高侯孔巖四時祀孔子如

泰始故事

成帝咸康元年帝親釋奠于辟雍

穆帝升平元年親釋奠如故事權以中堂為太學

武帝寧康三年帝釋奠於中堂以顏子配享

南宋

文帝元嘉二十二年釋奠孔子

牲牢祭器悉依上公之禮舞六佾設

軒懸之樂

北魏

開皇二年

卷之六

四

太武始光三年起太學于城東祀孔子以顏回配
太平真君十一年車駕南伐至鄒山以太牢祀先
聖

顯祖皇興二年遣中書令高允以太牢祀孔子以徐平故也

孝文帝延興二年詔孔子廟有婦女合雜巫覡淫
祀者禁之

太和十六年詔宣尼廟別勅有司享薦之禮有廟享始此

十九年帝如魯城祀孔子拜孔氏四人顏氏之

南遊

武帝天監八年皇太子釋奠先聖有司議禮云先師在堂義所尊敬太子宜登阼階以明從師之義

比齊

文宣帝天保元年令魯郡以時修葺廟宇遣使致
祭又制春秋二仲行禮每月朔行禮祭酒領博士及國子
一諸學生每月朔日出行事拜孔聖揖顏子一丘
濬曰此後世朔日行禮之始

是年詔將講於天子先定經於孔父廟講畢釋
奠行三獻禮

陳

宣帝大建三年皇太子釋奠先師祭酒以下齊帛有差
後主至德二年釋奠於先聖禮畢設金石之樂會宴王公卿士

隋

文帝初詔國子寺每歲以四仲月上丁釋奠先聖

先師州縣學以春秋仲月丘濬曰此郡縣二仲釋奠之始前此元魏

雖命有司薦享然未名為釋奠亦無定時也

唐

高祖武德二年詔國子學立周公孔子廟各一所

丘濬曰自曹魏釋奠孔子於辟雍後至元魏始有廟然不知其何時立也至是高祖始詔國子立廟然周公孔子各自為廟

七年帝詣國子學釋奠於先聖先師唐書云以周公為先

聖孔子為先師配

太宗貞觀四年詔州縣皆立孔子廟張朝瑞曰此後世郡縣以

左丘明等二十一人配享立文廟之始

十四年帝親釋奠於國子學詔祭酒孔穎達講孝經

二十年詔皇太子於國子學釋奠於先聖先師

皇太子為初獻國子祭酒張復胤為亞獻光州

刺史趙弘智攝司業為終獻既而就講弘智發

明孝經忠臣孝子之義舊禮釋奠學官自為祭主至是中書侍郎許敬

宗等奏祭先聖先師秦漢無文魏則以太常行事晉宋以學官主祭請自今國學釋奠令祭酒

為初獻祝辭稱皇帝謹遣某官司業為亞獻博士為終獻州縣以守令為初獻丞佐為亞獻博士為終獻一丘濬曰此後世國家遣官釋奠之始而守令主祭亦始於此

高宗永徽中復聖周公師孔子顯慶二年長孫無忌等言漢魏以來取舍各異孔子顏子互作先師周公尼父迭為先聖貞觀之末親降綸言依禮記之明文酌成康之粵說正夫子為先聖若周公作禮樂當同王者之禮乃詔以周公配武王以孔子為先聖
乾封元年封禪還京師過曲阜親祭祠廟以太牢

睿宗太極元年皇太子開講筵親釋奠

玄宗開元七年皇太子齒胄于學謁先聖詔三獻皆用胄子

十三年封禪迴詣孔子宅親設奠祭又遣使以太牢祀墓

二十七年詔祀先聖樂用宮縣舞用六佾
陳揚樂書云開元中釋奠始用宮架之樂即宮縣也

二十八年詔春秋二仲月上丁祭文宣王以三公攝事

肅宗上元元年歲旱罷諸祀惟太學仍祀文宣王

德宗貞元二年釋奠詔自宰臣以下畢集於國學
每年春秋釋奠祝板御署訖比面而揖

宣帝大中元年宰臣白敏中請賜百縑充享祀

後唐

明宗長興二年復文宣王廟祀

時朱梁喪亂廟祀廢故復之

後周

太祖廣順二年親征至交詣廟再拜或言天子不

當拜異代陪臣帝曰夫子聖人也百王取則安

得不拜登墓復拜

祖庭廣記曰周高祖親征墓容彥超至兗州城將破夜夢

一人狀甚魁異被王者服城陷取委巷人適夫

子廟在帝怒然曰昨夢始夫子乎不然何路與

宋

太祖建隆年間三幸國子監詔祭文宣王用一品

禮立十六戟於廟門

仍照祭文宣王樂用永安

太宗端拱元年幸國子學謁文宣王

時博士李覺

上即詔覺令對御講曰陛下六飛在御臣何敢
輒陞高座上因降輦命有司張帝幕設別座詔
覺講周易之泰卦從臣皆列坐覺乃述天地感
通君臣相應之旨上甚喜賜帛百疋

淳化四年從監庫使臣請先聖廟六衙朔望焚

香

真宗大中祥符元年東封禮畢如曲阜縣謁文宣

王廟內外設黃麾仗上生服鞞袍詣廟行酌獻禮初有司定儀止肅揖上特再拜

祥符七年王旦言請用先天節禮畢詣文宣王

廟行禮

天禧元年詔崇文館雕印釋奠儀注及祭器圖

頒行下諸路

仁宗初卽位首寵儒術車駕幸國子監奠謁先聖

退閱七十二賢贊觀東序及禮器

天聖二年八月己卯幸國子謁先聖舊儀肅揖特再拜

景祐元年詔釋奠用登歌按開元中己卯登歌至宋則復用之

慶曆四年幸國子學謁先聖再拜

哲宗元祐六年幸國子監謁先聖行釋奠禮一獻

再拜

徽宗大觀四年文宣王改執鎮圭廟門增立二十

四戟並如王者之制按周禮小行人成六瑞王

政和元年詔門人封爵及郡縣犯先聖謬者悉改

正

四年命後苑作製造御前生活所造牌御書曰

大成殿頒降本廟從四十七代孫文林郎舒州

司戶曹事若谷之請也又太學辟雍先聖殿皆

御書又罷封衍聖公奏朝廷稽考三代制禮作樂乞頒降大樂許內族人及縣學生咸使肄習并乞降禮器以備釋奠及家祭使用至六年五月差四十七代孫宣教郎若谷押賜堂上正聲大樂一副禮器一副

六年賜堂上正聲大樂一副禮器一副于闕里宣和四年車駕幸太學奠謁先聖

高宗紹興十年詔文宣祭與社稷并為大祀

十四年帝謁孔子遂臨太學止駕於大成門外登降步趨執爵禮

獻躬睹徽宗大成樂成詔頒降肄習仍內降王

孝宗淳熙四年幸太學謁奠孔子

寧宗慶元間定祀令文宣王為中祀諸祀事應

排辦者所屬前一日檢舉諸祀獻官以州縣長

吏以次官克非實有疾故不得輒委他官行禮

理宗淳祐元年帝謁孔子遂臨太學

度宗咸淳三年帝詣太學謁孔子行釋菜禮

遼

太祖神冊三年建孔子廟次年落成躬謁祭奠

金

熙宗皇統元年帝親祀孔子退謂侍臣曰朕幼年不知志學歲月逾邁

深以為悔孔子雖無位其道萬世景仰凡人為善不可不勉

世宗大定十四年釋奠先聖詔依禮官議依開元禮合行祭器禮料羊三豕三酒二十瓶奏登歌雅樂

章宗明昌四年親釋奠先聖諭旨宣徽院日朕以宣聖萬世帝王之師恐汝等未諭可備拜裊朕將拜焉

承安二年春丁帝親祀孔子以親王攝亞終獻皇族陪臣位文武大臣助奠

元

世祖至元十年詔春秋二丁執事官員各依品序穿著公服陪位諸儒衣襴衫戴唐巾行禮中書

送御史中丞兼領侍儀司官至聖文宣王廟其於者禮樂御王者衣冠南面當坐天子供祠其於萬世之絕尊千載之通祀者莫如吾夫子也切見外路官員提學教授每遇春秋二丁不變常服以供執事於禮未宜及照得漢唐以來祭文廟享社饗無非且公服執手板且鄉人雖孔子猶朝服而立于阼階先聖先師安得不備禮儀故詔

成宗大德初勅到任先詣先聖廟拜謁方許以次詣神廟著為令

武宗至大元年朝廷差官齋聖旨加封祭祀事先於太德十一年五月二十一日今上皇帝正位宸極集賢院官特進大司徒太子太傅集賢院使香山集賢大學士資德大夫趙也先榮祿大

夫平章政事太子少傅集賢大學士王顯奏唐
宋以來累朝代孔夫子封贈的名兒與來今日
皇帝初登寶位孔夫子的名號教衆學士商量
與著呵宜的一般奉聖旨商量了各兒我行再
奏者欽此六月初八日香山司徒幹赤大學士
趙大學士王大學士安大學士奏如今衆學士
商量定加封孔夫子作大成至聖文宣王大都
上都孔林差人依舊例致祭牲加太牢齋制詞
香祝文酒去呵怎生奉聖旨准欽此七月十九
日中書省奏孔夫子加封名號翰林集賢院官
人他每的言語是的一般降與聖旨差人祭祀
去呵怎生奉聖旨准欽此本年三月二十三日
懷柔東壁集賢院使御史大夫脫脫丞相集賢
學士通議大夫師著奏加封孔子與了詞頭宣
命如今與課銀三錠表裏段子一十三疋并合
用祭祀物件差本院學士騎坐鋪馬前往孔林
祭祀去更大都上都合用祭物交與呵怎生奉
聖旨教省家與者欽此差遣本院學士嘉議大
夫王德淵於七月欽齋宣詞祭物到於孔林卜
於十一日丁卯與守土官奉訓大夫兗州知州

馬禧孔氏家長撫行三獻禮王德淵親爲祀文
宣賜銀幣瓊巖廟庫五十二代曹州教授之名
書五十代孫孔氏家長撫立石
四年詔以銀幣請闕里祀孔子

仁宗延祐七年詔以白金一百五十兩錦綺雜綵
表裏各一十三段遣說書王存義請魯以太牢
祀孔子仁宗手香加額以授之
綱鑑云仁宗初即位遣宦者李邦寧釋奠於孔子邦寧既受命行禮方就位忽大風起殿上及兩廡燭盡滅燭臺底鐵罇入地尺許無不拔者邦寧息悚伏地諸執事者皆伏良久風息乃成禮邦寧因慚悔累日

洪武元年

太祖高皇帝登極詔內一欵孔子曲阜廟庭遣使
致祭其襲封衍聖公并世職知縣孔氏衣巾俱
如歷代舊制仍免孔氏子孫差發又

駕幸太學行釋奠禮

臣孔貞棟曰此我

國家崇

皇祖正位宸極之初頒下明詔與民更新乃首舉闕里之祀及太學釋奠之禮蓋知吾夫子之道由之則治舍之則亂故崇儒重道之典汲汲于千戈甫定之日大聖人作爲超出尋常萬萬矣開萬世太平之業實基于此云

四年更定釋奠孔子祭器禮物孔子之祀像設
高座而器物陳於座下弗稱其儀其來已久至

是定擬各為高案其豆籩簠簋悉代以磁器曰宋蘇軾謂古者坐于席故籩豆之長短適與人均今土木之像既已巍然于上而列器皿于地使鬼不享則不可知若其享之則是俯伏匍匐而就食也由是觀之則孔子廟自唐設塑像以來已如此歷宋至元未之有改至是皇祖始正之云

十五年太學成孔子以下去塑像設木主遣官以太牢祭

帝遂視學釋菜服皮弁詣位再拜獻爵復再拜

十七年敕每月朔望太學祭酒以下行釋菜禮

郡縣學長吏以下詣學行香丘濬曰朔望行香之禮古未有也此

齊每月月朔祭酒博士諸生展拜階下郡縣朔望是時未藝今所謂香也至宋淳化四年始朔望

焚香朱熹曰謂宜聖焚香不以是古禮至我朝始定為△朔望謁奠之禮編海內矣

永樂四年

太宗皇帝謁孔子視太學

將視學命禮部詳定禮儀尚書鄭賜言宋制謁

孔子服靴袍再拜上曰見先師禮不可簡必服皮弁行四拜禮

十四年遣官祭闕里

宣宗元年

宣德皇帝登極遣太常寺寺丞孔克準詣闕里祭

告自先師而下四配十哲兩廡凡九壇俱用太牢

正統元年

英宗皇帝登極遣國子監司業趙琬詣闕里祭告

三年祭祀孔子於釋老宮

九年

帝幸大學釋奠孔子

景泰元年

景帝登極遣翰林院侍講吳節以香帛詣闕里祭告

天順元年

英宗復位遣工科左給事中孫昱詣闕里祭告

成化元年

憲宗皇帝登極遣吏部右侍郎尹旻詣闕里祭告

又

駕幸太學釋奠孔子

遣官取衍聖公弘緒并二子命衍聖公公獻沂國公一此遣官欽取之始

十三年增孔子廟籩豆樂舞之數遣翰林院學

士王獻詣闕里祭告

章文懿曰國學之祭舊用十籩十豆增為十二郡縣

之祭亦舊惟八籩八豆增為十從祭酒周洪謨之請也詳見憲章錄

弘治元年

孝宗皇帝登極遣太常寺少卿田景賢詣闕里祭

告又

駕幸太學釋奠孔子

以吏部尚書王恕言詔先師位加幣用太宰致分獻為

關里誌

禮部

節

分奠遣官取銜聖公并三氏子孫觀禮 命銜聖公分奠充國公禮畢 欽賞弘緒及觀禮族人各紵絲衣一套又 賜宴於禮部 欽賞賜宴照前例

十二年廟災遣侍讀學士李傑詣闕里祭告

十七年重建廟成遣大學士李東陽以香帛并

御製碑文詣闕里祭告

正德元年

武宗皇帝視太學謁孔子

遣禮部主事張潛取銜聖公聞部并三氏子孫

赴京觀禮 命銜聖公分奠沂國公以禫服未除辭 命吏部右侍郎梁傑代 欽賞賜宴照前例

八年因流賊犯闕里遣山東巡撫都御史趙璜

祭告

嘉靖元年

世宗皇帝登極遣吏部尚書石瑄詣闕里祭告

本年

駕幸太學謁廟至櫺星門外卽降輦步入禮畢仍

步出櫺星外升輦

遣評事呂祚取銜聖公聞韶并三氏子孫希道公舉彥佐

弘仁聞義赴京觀禮外有乞恩觀禮三氏學生員彥隆承槩承緒等三名亦准觀禮 欽賞賜宴照前例

九年釐正祀典

十二年

關里誌

卷之六

十一

駕復幸太學遣官取聖公聞韶并族人孔諱公禎承禎弘器聞達觀禮 欽賞賜宴俱照前例

隆慶元年

穆宗皇帝登極遣尚寶司卿劉奮庸詣闕里祭告

本年八月初一日

駕幸太學遣禮部主事劉繼文取衍聖公尚賢并三氏子孫孔諱承禎承元承宇弘立觀禮

欽賞賜宴俱照前例又以分奠大臣特賜衍聖公羊一隻酒十瓶鈔三千貫家長孔諱吏部尚書與冠帶

萬曆元年

神宗皇帝登極遣尚寶司司丞張孟男詣闕里祭

告

萬曆四年

神宗皇帝駕幸太學釋奠先師遣禮部主事張程取衍聖公尚賢并

三氏子孫公寧公源承偶弘 欽賞賜宴俱照前例 臬貞擢觀禮

天啓元年

熹宗皇帝登極遣順天府府丞姚士慎詣闕里祭

告

五年二月初六日

熹宗皇帝駕幸太學釋奠先師遣中書舍人楊中極取衍聖公孔胤

植并四氏子孫族人彥乾弘 顯弘毅聞慶生員 觀禮乞恩奉

聖旨准以恩貢八監
聖旨既稱聖表高該部優選中書
誦詩并乞恩觀禮賜宴賜衣并如
前代尤加次年孔
聞詩俸未及期奏以
特恩准考選吏科給事中

崇禎二年正月二十日

帝駕幸太學釋奠先師

遣中書舍人梁招
孟取衍聖公孔胤
植子孫族人
臨尚遜照例送監讀書賜晏
生員聞後貞芳尚
賜衣俱照前例

崇禎十四年八月十八日

皇上重幸太學遣行人魯近遲欽取衍聖公孔胤
植五經博士孔胤錫等四氏族人與訓弘化貞
伯貞來貞璘興誨等陪祀觀禮一應恩例賜衣
送監冠帶俱炤崇禎二年

幸學事例遵行外欽取到京見
朝蒙

聖諭衍聖公博士欽取到京着賜宴優待於八月
十三日設宴于禮部着侍郎王錫衮待本月十
四日

上傅賜衍聖公等官祿食盒兒羊酒
幸學事完復賜宴于禮部着侍郎王錫袞待

謚號

周

敬王四十二年魯哀公誅孔子曰尼父諫曰天不遺耆老莫

相予位焉嗚呼哀哉尼父一鄭玄曰尼父者因其字以為謚也一丘濬曰此後世追謚孔子之始蓋孔子儒教之宗師所謂為天地立心為生民立命為往聖繼絕學為萬世開太平者也自哀公誅之之後後世帝王屢加褒崇尊其人所以尊其道也

漢

平帝元始元年追謚孔子曰褒成宣尼公丘濬曰此孔子謚宣之始語具嘉靖九年永嘉疏中

東漢

周里志

卷之六

六

和帝永元四年封孔子為褒尊侯

北魏

孝文帝太和十六年改謚孔子為文聖尼父魏書

宣文堂引儀曹尚書劉昫等而帝齋中書省親祭於廟既則知魏中書省又有宣尼廟肅皇於文華殿奉先師孔子與禮有光前代多矣

後周

靜帝大象二年封孔子為鄒國公喬孫封爵亦如之

隋

文帝贈孔子為先師尼父

唐

太宗貞觀二年尊孔子為先聖房玄齡等議武德中詔釋奠於太學

以周公為先聖孔子配享臣以為周公尼父俱稱聖人庠序置奠本緣夫子故晉宋梁陳及隋皆以孔子為先聖顏回為先師別祀周公請傳周公升孔子為先聖以顏回配從之

十一年尊孔子為宣父

高宗顯慶二年復尊孔子為先聖因永徽中復聖

乾封元年追贈孔子為太師

周禮志

卷之六

九

長孫無忌等言漢魏以來取舍各異孔子顏子互作先師周公尼父迭為先聖貞觀之初親降繪音依禮記之明文酌成康之典說正夫子為先聖今當從之乃詔以周公配武王以孔子為先聖一張朝瑞曰至是始定孔子為先聖

天授元年封贈孔子為隆道公

玄宗開元二十七年追謚孔子為文宣王南向坐

先時廟庭以周公南面而夫子坐西牖下貞觀中別祀周公而夫子位未改至是二京國子監天下州縣夫子始皆南面一丘濬曰文宣之謚始此亦孔子封王之始

宋

真宗大中祥符元年加謚孔子為玄聖文宣王

五年改封為至聖文宣王 帝禪泰山至曲阜縣謁先聖廟有司定議

止肅揖帝特再拜遂如孔林降輿乘馬詣墓奠

日唐明皇褒先聖為王朕欲追謚為帝可乎有

司檢討故事以間或云文宣周之陪臣周止稱

王不當加以帝號遂之謚為玄聖文宣王追封

叔梁紇為齊國公顏氏為魯國太夫人元官氏

元

武宗大德十一年詔加封孔子為大成至聖文宣

王

文宗至順元年加封齊國公為啓聖王顏氏為啓

聖王夫人

明

太祖高皇帝洪武初封爵仍舊

世宗肅皇帝嘉靖九年詔改稱至聖先師孔子

大

明史志

三

學士張璠之請也詳見藝文

置服

唐

玄宗開元二十七年封孔子為王仍內出王者袞

冕之服以衣之

按夫子自云少居魯衣縫掖之

司冠則有司寇之音服矣至是始衣王者袞冕

宋

真宗大中祥符二年加先聖冕服桓圭一從上公

之禮冕九旒服九章

先是以木為圭至是始易以玉云

徽宗崇寧四年詔太常寺考正文宣王廟像冠服

制度用王者冕十二旒袞服九章

畫圖鑿板甲賜仍頒降天

下州縣學咸使依圖改正從國子司業蔣靖之請也

金

世宗大定十四年國子監起請孔子廟大成殿聖像冠十二旒服十二章充國公鄒國公像九章九旒

明

洪武初塑像章服俱仍前代之舊

十五年南京太學成孔子以下去塑像設木主朱熹語錄曰宣聖本不當設像春秋祭時只設木主祭可也一丘濬論曰臣按塑像之設中國無之至佛教入中國始有也彼異教用之無足

而明之無聲無臭之謂也我祖教然的見千古之非自夫子以下像不上繪禮以神主數百年異教乃革嗚呼盛哉

嘉靖九年詔天下文廟去塑像易以木主

後輔臣張

璉之請也詳見藝文

翰林院侍讀學士管國子監祭酒事臣李若

琳謹

奏為

先師之牌位宜肅謚號宜崇謹據所見伏候聖裁事臣聞之記曰凡始立學必釋奠於先聖先師自漢以來代以孔子為先師蓋以孔子剛

述六經垂憲萬世人倫之所以常明道統之
所以不墜孔子之力也是以後世帝王莫不
尊崇謚號嚴重祀典

聖朝承帝王正統垂意文教

攝政王殿下駐駕

神宗即遣輔臣釋奠

先師重道崇儒中外悅服春秋二仲丁祭率由
舊典視昔加愆於本月二十日太常寺奉禮
部傳新製孔子牌位兼書滿漢字臣竊有請
焉夫孔子牌位奉安文廟孔子在天之靈所

憑依者臣愚以為宜令禮工二部委官匠於
本監製造新牌俟新牌告竣令臣等恭安

文廟然後撤舊牌焚之瘞所庶舊制聿隆禮儀
有序於以妥

先師之靈愜奉事之忱為攸當矣臣愚又有說
者今文廟見奉牌位稱至聖先師孔子之位
此明嘉靖九年大學士張聰建議所改置者
也質之前代追尊謚號竊有未當查自漢以
來謚號不一至唐玄宗始追謚為文宣王宋
真宗加謚至聖文宣王元成宗復加謚大成

至聖文宣王明朝自洪武至正德所稱先師
謚號一如元成宗舊制未之有改臣聞備古
今之至德者宜享古今之隆稱昔孔子之贊
乾坤曰大哉乾元至哉坤元大成曰至聖間
非孔子之德配乾坤者莫能當之今稱至聖
而遺大成得毋乾坤之義未脩乎至曰文曰
宣按之謚法經緯天地曰文聖善周聞曰宣
又洵非孔子之德兼君師者莫能當之今止
稱先師而遺謚號然則古之英君詎辭可止
曰其君某王而去神聖文武之謚可乎張聰
欲去封爵而并除謚號仍稱大成至聖文宣
先師孔子之位庶至德鳴名

昭代倍爲闡揚祀典於焉有光矣臣忝列儒臣
職司教典事閱學宮直據所見其有當與否
未敢必也伏乞

皇上勅下禮工二部速議施行臣不勝悚慄侍
命之至爲此具本親齎奏

聞

順治二年正月二十二日上

二十三日奉

聖旨先師謚號信宜尊崇着詳稽往例確議具奏
新牌就該監製造如議行禮工二部知道
禮科都給事中龔鼎孳謹

題爲敬陳孔廟事宜仰祈

聖裁事近該國子監祭酒臣李若琳等奏爲先師
秦之牌位宜肅等事奉

聖旨先師謚號信宜尊崇著詳稽往例確議具奏
新牌就本監製造如議行禮工二部知道此
仰見

聖明崇儒重道詳慎周至如此也臣僉員禮垣職

掌攸繫安敢無說而處此謹按孔子刪定六
經垂教千古德侔天地功並日月學者宗之
比於罔極生民以來夔乎未有惟德盛則享
名宜隆惟功高則食報宜厚自古聖帝明王
教育海內未常不以崇祀先聖爲兢兢也考
周敬王四十二年魯哀公誅孔子曰尼父漢
平帝元始元年追謚孔子曰褒成宣尼公東
漢和帝永元四年封孔子爲褒尊侯比魏孝
文帝太和十六年改謚孔子爲文聖尼父後
周靜帝大象二年封孔子爲鄒國公隋文帝

贈孔子爲先師尼父唐太宗貞觀二年尊孔子爲宣尼父高宗顯慶二復尊孔子爲先聖乾封二年追贈孔子爲太師天授元年封孔子爲隆道公玄宗開元二十七年追謚孔子爲宣王宋真宗大中祥符元年加謚孔子爲玄聖文宣王五年改封爲至聖文宣王元武宗大德十一年加封孔子爲大成至聖文宣王明洪武初年爵謚一仍元舊至嘉靖九年始從大學士張聰之請改稱至聖先師孔子夫無位而奉以王號吳沉已有懼得罪聖人之文塑像而被以冕章立濬亦謂非神而明之之義聰之議改不爲無見但易王而師可矣因稱師而遂削其大成文宣之號可乎易塑像而木主可矣因木主而并殺其佾舞籩豆之數可乎此先臣王世貞所以致嘆於輔臣禮官曲加迎傳天下後世不免有所竊見而愾然倡光復之論也今者

聖明御宇一道同風禮樂咸興文謨丕顯不亟乘此時有所釐正以示萬代之法程毋論大典有所未光是亦臣等誦法孔子者之罪矣謹

就祭酒臣若琳等所請而稍抒一得以備參
稽可乎其謂先師牌位宜仍定爲大成至聖
文宣先師孔子此誠至當不易之論無俟臣
言按謚法經緯天地曰文聖善周聞曰宣而
當日張璪持議則謂宣之一字於謚爲輕不
足盡聖人之德夫謚之爲言舉一端而全體
備既聖善已著大凡何至槩抹前人目爲荒
誕故謂宣輕而思有增益焉可也因議宣而
槩爲削斥焉不可也此所當確議者乎佾舞
益而入籩豆益而十二雖曰天子禮樂乎然
既素王奉之矣德足配天則不可以位限况
聖功大於堯舜者哉且成均者天子釋菜尊師
之地也以天子自尊其師而用天子之禮樂
誰曰不宜先朝憲孝二宗與賢臣王恕周洪
謨等考據增加有繇來矣當時議減者誠近
偏畸及今追復焉何疑僭濫此所當確議者
也大成殿額更爲先師廟意存簡朴實匪舊
章幾令峻極之宮墻不得與梵寺琳宮並稱
比美紳衿之士入駿奔而出瞻仰能無色沮
心慙乎矧廟者統詞也殿則棲神之所也譬

之堂焉室焉各有其處殿之不可稱廟猶夫
室之不可稱堂也烏得而淆之故大成殿名
之不可不復蓋舊章也此所當確議者也從
祀諸賢遠不具論若宋元以來人品醇疵了
然在人耳目稍辨黑白者能知之嘉靖中登
歐陽修而遺范仲淹先臣王世貞以爲餘憾
其謂仲淹力振綱常首扶神氣兼於戎馬倥
惚之際以中庸誨引張載俾成大儒彬彬乎
歐陽子之右矣夫生爲名臣表章聖道而後
乃寂焉不得分芹俎之未光事理不平孰甚
者初意至如元標理學實無可譏以之從祀
黷宮允與四媿美伏乞

皇上下臣章令諸臣博議如藟莢可採一并覆議
施行蓋今日教胄子於虎闢羽籥管絃聿新
園橋之聽睹異時拔名卿於髦士衣冠文物
共襄一代之治平皆先聖先賢之所憑依而
亦

聖子神孫之所取法者也臣雖閭陋竊幸其區區
之愚至如衍聖公來

朝京師宜加優禮以示隆重闕里之廟庭禮器宜

勅諭所司以時修飭用肅觀型是則
聖明自有曠思而非微臣所敢贅矣

順治二年二月初五日奉

聖旨孔廟謚號加稱大成至聖文宣先師孔子既
監科考訂僉同准如議行一應禮儀還照明
朝舊例不必更改該部知道

宗子世紀

二代鯉字伯魚生於周景王十三年為魯昭公之十年也生時適時公賜之鯉魚孔子
榮君之賜因以名其子而子曰伯魚早聞過庭之訓既長魯
公以幣召稱疾不行年五十一先聖祖卒於聖祖於東生子及

三代伋字子思逮事孔子而受業於魯子羔顏子
蚤卒聖道傳於曾子曾子傳於子思子思傳於
孟子其學獨得其宗子思嘗著書四十九篇今
存者惟中庸魯繆公亟見於子思問曰古千乘
之國以友士何如子思不悅曰古之人有言曰
事之云乎豈曰友之云乎其後孟軻釋之曰千

乘之國求與之友而不可得况可召與繆公之
於子思亟問亟餽鼎肉子思不悅於卒也標使
者拜而不受曰今而後知君之犬馬畜伋也復
欲以爲國相時臣皆世襲淫寵相傾不以德訓
乃歎曰若爲相而不得行吾道相之耻也遂不
受且告繆公曰臣聞君子猶鳥也疑之則舉矣
乃適衛值懸子問禮焉曾申問曰何以不仕子
思曰道伸吾願也今天下諸侯其孰能哉與其
屈已以富貴不如抗志而貧賤於是在衛貧甚
而自若嘗言苟變可將衛君曰變爲吏嘗賦於
民食人二雞子故弗用子思曰聖人用人猶匠
之用木取其長而棄其短今君處斯世而以二
卵棄干城之將此不可聞於鄰國也衛君每言
計之非羣臣和者如一子思曰君之國事將日
非矣君出言自以爲是而卿大夫莫敢矯其非
卿大夫出言自以爲是而士庶人莫敢矯其非
詩曰具曰予聖誰知烏之雌雄於是在衛緼袍
無裏二旬九食田子方遺以狐白裘不受已而
後反於魯教授其徒數百人而道卒傳於孟軻
年及百餘歲卒史記作六十二今兩存之葬先

聖墓南生子白

四代白字子上請所習於子思子思曰先人有訓
焉學必由聖所以致其才也厲必由砥所以致
其刃也故夫子之教必始於詩書而終於禮樂
雜說不與焉子思在魯以書如魏問白白北面
再拜受書伏讀遂爲復書又北面再拜以授使
者其恭如此齊威王召白爲國相不授再召又
不授年四十九卒史記作四十七葬祖墓西北
生子求

五代求字子家楚召不受年四十五卒葬祖墓東

北生子箕

六代箕字子京爲魏相年四十六卒葬祖墓東南
生子穿

七代穿字子高楚魏趙三國交聘不就著儒家之
語十二篇名曰讒言年五十一卒葬祖墓南生
子謙

八代謙史記作慎字子順又名斌仕魏爲安釐王
相改嬖寵之官以事賢才奪無任之祿以賜有
功諸喪職秩者不悅相魏九月以病致仕遂寢
於家嘗曰今秦有吞天下之心不出二十年天

下其盡爲秦乎秦莊襄王召不行魏以孔子後
嗣封魯文信君年五十七卒孔叢子云家之族
胤一子相承以至九世始有三子鮒騰樹

九代鮒字子魚一字甲該通六藝秦始皇并天下
召爲魯國文通君拜少傅三十四年丞相李斯
始議焚書鮒與弟騰子襄藏其家誦論語尚書
孝經等於祖堂舊壁中自隱於嵩山教弟子百
餘人後陳涉爲楚王聘爲太傅凡仕六月託疾
而退卒於陳下年五十七著書二十餘篇記先
聖及子思子上子高子順與已行專名曰孔叢

子子隨字元路四傳至吉吉生何齊皆承嚴於
爲宋公嗣絕弟騰騰字子襄長九尺六寸漢高
帝過魯封爲奉嗣君後爲惠帝博士遷長沙太
守年五十七卒生子忠

十代忠字子貞有高尚之志徵爲博士褒成侯年
五十七卒生子二武及安國

十一代武字子威爲文帝博士至臨淮太守卒生
子延年

十二代延年博覽群書武帝時爲博士轉少傅遷
大將軍年七十一卒葬祖墓北生子霸

十三代霸字坎孺幼有奇才昭帝時爲博士宣帝時以太中大夫授皇太子經遷詹事爲高密相元帝卽位拜太師賜爵關內侯食邑八百戶號褒成君給事中賜黃金二百斤宅一區徙名數于長安爲人謙退嘗稱位祿太過何德以堪之帝欲致之相位讓至三四帝知其誠乃止霸上書求奉先聖祭詔令以所食邑祀孔子還子福名數於魯年七十二卒於第帝素服臨弔者再至賜東園秘器并錢帛策贈列侯謚曰烈君生子四福捷喜光

十四代福諱封關內侯年六十二卒葬祖墓北生子房

十五代房諱封關內侯生子均

十六代均字長平初名莽避王莽改名敦篤好學有大才徵拜尚書郎言辭清辨奏對成章平帝元始元年更封褒成侯食邑二千戶五年王莽篡位拜太尉不就三辭疾乃得還年八十一卒生子志緒此起

十七代志後漢光武帝拜大司馬建武十四年襲封褒成侯食邑二千戶卒謚元成生子損

十八代煇字君益明帝永平十五年襲封褒成侯
章帝元和二年東巡狩褒成侯助祭焉和帝永
元四年襲封褒亭侯食邑一千戶生子曜
十九代曜字君曜襲封褒亭侯生子二完讚
二十代完襲封褒亭侯早卒無子以母弟讚之子
羨襲封

二十一代羨字子餘魏文帝黃初元年拜議郎封
宗聖侯以魯縣百戶奉祀卒塋祖墓南生子震
二十二代震字伯起晉武帝泰始三年改封奉聖
亭侯拜太常卿黃門侍郎食邑二千戶年七十
五卒生子嶷

二十三代嶷字功成襲封奉聖亭侯食邑二千戶
年五十七卒生子撫

二十四代撫舉孝廉辟太尉掾襲封奉聖亭侯爲
豫章太守食邑一千戶生子懿

二十五代懿東晉襲封奉聖亭侯從事中郎食邑
一千戶年六十一卒塋祖墓西生子鮮

二十六代鮮字鮮之恢廓大度好學善誨後人宋
文帝元嘉十九年襲封奉聖亭侯改封崇聖侯
生子一乘

二十七代乘字敬山博學有才後魏舉孝廉文帝
延興三年封崇聖大夫食邑五百戶生子靈珍
二十八代靈珍授秘書郎孝文帝太和十九年仍
對崇聖侯食邑一千戶生子一文泰

二十九代文泰襲封崇聖侯食邑一千戶年五十
八卒塋祖墓南生子渠

三十代渠襲封崇聖侯北齊文宣帝天保元年改
封恭聖侯後周靜帝大象二年改封鄒國公食
邑一千戶生子一長孫

三十一代長孫周武帝宣政元襲封鄒國公食邑
一千戶年六十四卒塋祖墓西北生子二英哲

嗣愨

三十二代英哲封奉聖侯無子

嗣愨英哲弟隋文帝時應制登科授涇州司兵
參軍遷太子通事舍人襲封鄒國公煬帝大業
四年改封紹聖侯食邑一千戶年七十卒塋祖
墓西生子一德倫

三十三代德倫唐高祖武德九年改封褒聖侯太
宗貞觀十一年詔朝會位同三品食邑一千戶
天授元年賜勅書及時服年七十一卒生子二

崇基子歎按此後世召孔氏子孫朝會之始

三十四代崇基中宗嗣聖十二年襲封褒聖侯神龍元年五月制授朝散大夫陪祭朝會年五月十六卒生子一璉之

三十五代璉之字藏暉玄宗開元五年襲封褒聖侯特授四門博士群王府文學蔡州長史二十七年改封文宣公兼除兖州長史遷都水使者食邑一千戶生子一萱

三十六代萱襲封文宣公兼兖州泗水令生子一齊卿

三十七代齊卿德宗建中三年襲封文宣公兼除兖州功曹叅軍轉青州司兵叅軍時遭叛亂陷於東平生子三惟暉

三十八代惟暉憲宗元和十三年東平兵解歸魯授兖州叅軍襲封文宣公年六十五卒塋祖墓東生子一策

三十九代策明經及第歷少府監主簿國子監丞襲封文宣公遷國子尚書博士時兵後禮虧宣宗大中元年宰相白敏中奏復百繡充享祀年五十七卒塋祖墓西南生子振

四十一代振字國文懿宗咸通四年狀元及第除秘書省校書郎歷運判監察御史左補曲水部員外郎罷封文宣公賜百緡年七十四卒葬祖墓北生子一昭儉

四十二代光嗣齋郎出身哀帝天祐二年授泗水令陵廟主年四十二爲洒掃戶孔末所害葬祖墓西北生子一仁王

四十三代仁王字溫如初孔末旣害光嗣自爲曲阜令時仁王生始九月母張氏抱歸育於外家後魯人見其長訴於官事聞於朝乃罷末以仁王爲先聖嗣身長七尺姿貌異常善六藝尤精春秋爲人嚴整臨事有斷時年九歲任曲阜主簿兩考滿陞縣令罷封文宣公後周太祖廣順二年幸謁祖廟及孔林召對數刻賜五品服銀器雜綵復口授曲阜縣令兼監察御史年四十五卒於官葬祖墓東贈兵部尚書後世以孔氏苗裔幾絕而復續推爲中興祖生子四宜憲冕

易

四十四代宜字不疑自幼聰悟十歲能屬文弱冠
鍾家禍哀毀聞子鄉曲宋太祖乾德四年詣闕
尚書述其家世詔爲曲阜主簿調黃州軍事推
官時方平吳越地扼江鄂咽喉宜參預兵機贊
成時務宣力寔多代歸太宗召見遷司農寺丞
領關市於星子鎮江左始平庶務不綱星子實
江湖之會要貨殖之都聚宜度其利害請營之
爲軍朝議以戶口少且陞爲縣令就宰之政成
考績有稱轉運使王明奏其言忠行篤守法奉

公乞擢居朝列委以事權尋入覲因獻所著文
賦太宗嘉焉顧問孔氏歷世之數具以實對太
宗謂左右曰家世之遠有如此者乎特遷太子
右贊善大夫襲封文宣公時太平興國三年也
未幾通判高密郡時方命大將作恢敞儒宮畢
宜上表進方物稱謝答曰素王之教歷代所宗
當予治定之初特展脩崇之典汝襲封闕里就
列周行虔備貢輸慶茲輸負省聞嘉獎不忘于
懷時太平興國八年也還朝遷殿中丞雍熙二
年太宗北征受詔督軍餉涉巨馬河卒年四十

六生三子延世延澤延渥

四十五代延世字茂先以父沒邊境特賜同學究出身授曲阜主簿秩滿授福州閩縣令許州長葛令真宗卽位宣諭侍臣令咨訪宣聖有何子孫呂端奏有嫡孫延世見任許州長葛令召見詢以家門故事授曲阜令讓封文宣公真宗勉之曰汝宜精心典祖廟祀無稍惰也面賜束帛銀器及太宗御書并九經等書咸平三年奉勅許於廳上見知通轉運使特削趨庭禮貴公爵也卒於官年三十八塋祖墓西南生子一聖佑

延澤贈諫議大夫生子宗愿

四十六代聖佑年九歲授同學究出身年十一歲中祥符元年真宗東封詔賜衣綠次京官陪駕幸儒廟授太常寺奉禮郎四年爲大理評事掌本縣錢穀出納之務天禧五年以光祿寺丞讓封文宣公知仙源縣事遷贊善大夫終於一子中舍卒年三十五無嗣以親堂弟宗愿子宗愿字子莊延澤子仁宗天聖中以叔父道補太廟齋郎寶元二年授守國子監主簿聖文宣公知仙源縣事至和二年改封衍聖公

遷尚書北部員外郎通判濰州卒於官年六十七
三塋祖墓西南四子若蒙若虛若愚若拙

四十七代若蒙字公明熙寧元年襲封衍聖公元

祐元年改封奉聖公坐事廢以弟若虛承襲

若虛字公實元符元年襲奉聖公卒朝廷復

若蒙子端友繼之熙豐間專主祀事不任他

大觀間復以奉聖公為衍聖公每遇大禮許赴

所聖公觀禮如此

若愚宗愿第三子生端立今襲始祖

十八代端友字子交宋崇寧三年封衍聖公

炎初借叔父傳

萬三衢終知柳

州無嗣以侄玠襲封於衢凡六世至

明始罷封不重書

端操端友弟金權襲封衍聖公於魯生子四璫

璫璣玠

端立若愚子

四十九代璫字文老端操第二子廢齊阜昌二年

襲封衍聖公於魯金天眷三年贈榮祿大夫皇

統二年卒年三十八塋祖墓西南生子二拯摠

琥端立子特恩授進義校尉

五十一代拯字元濟金熙宗皇統二年行省恣文宣
王四十九代孫璠已襲封未施行間身故令男
拯次當襲封奏奉勅旨准行時年七歲襲封衍
聖公管勾祀事金世宗大定元年卒年二十六
葬祖墓西無嗣以弟摠繼

摠字元會大定三年襲封衍聖公管勾祀事二
十一年世宗召赴闕下欲留任用力辭請專祀
事特授曲阜縣令少穎悟通左氏春秋其襲封
也嚴潔祭祀敦睦親族嘗言曰生爲聖人子孫
而繆當嗣職坐觀隘陋寧不愧於心乎乃親率
佃戶之東蒙山採伐材木增廣林廟及尼防山
殿當廊廡五十餘楹終奉直大夫卒年五十三
贈光祿大夫葬祖墓西南初摠四十得子多不
育夜夢異人衣冠偉然告曰今此非爾子後丑
年庚月丁日所生則真爾子矣當名元措後果
如其言生子二元措元絃

拂瓠子

五十一代元措字夢得年十一金章宗明昌二年
襲封衍聖公管勾祀事特旨令視四品是年章
宗行郊禮召赴闕侍祠位在終獻之次三年特

旨超授中議大夫仍賜四品勳封承安二年勅
罷封衍聖公年及十七兼曲阜縣令仍令世襲
不得別行差占於是始世襲曲阜令宣宗貞祐
二年幸汴京趨赴行在所適丁母憂三年起復
遙授東平府判初有旨授府判俟來春令赴任
尚書省奏若擬正授是職緣今多事之際恐曠
廢本職事有無姑且遙授至來春乃正授令在
管勾祀事况見丁母憂有無特恩起復於是遙
授仍起復與隨朝除授平章高琪奉旨曰初與
這職時我曾尋思待與隨朝職事來爲緣筭得
勝奏孔聖墳塋見在河北若與本人隨朝除授
恐曠廢祭祀可與附近州府職事以此不得已
與了東平府判我思目今土寇未寧若謂廢除
祀與河北職事倘因而被害却是絕了聖人之
後永廢了祭祀也如今與隨朝職事者遂授太
常博士其年十一月二十七日也興定二年秩
滿復任四年改行太常丞元光元年授同知集
賢院兼行太常丞正大二年三月授知集賢院
兼太常丞四年秩滿復任六年十二月又任前
職至天興元年八月通歷三考九月一日改除

遙授秦定軍節度使交州管内觀察使兼行太

常少卿天興二年正月遷光祿大夫尋改授太

常卿癸巳年歸附元朝於汴梁特取元措還東

平依舊襲封衍聖公主奉祀事無子以徑之固

庶子湏嗣爵之固乃元措母弟元絃子也坐罪奪爵

無子以元措從弟元用權襲封焉

元孝拂長子

元用字俊卿元孝弟初貞祐二年襲封元措從

宣宗還汴擬兄元用攝祀事及宋克平出東實

慶元年權襲封衍聖公仙源令二年改濟州通

判兼京東西路安撫司主管機宜文字元朝太

師國王木華里統諸道兵至承制封拜權授襲

封衍聖公世襲曲阜令給降衍聖公印乙酉年

太師征益都以元用偕行世襲曲阜令

五十二代之厚元孝子也贈亞中大夫濟寧路總

管輕車都尉魯郡侯自元措傳湏以來嫡長乃

元孝生之厚至浣凡三世

之全字工升元用子乙酉年父從太師國王征

益都之全遂權襲封衍聖公曲阜令癸巳年元

措自汴梁還東平仍襲封衍聖公之全止克曲

阜令壬子年二月宣差東平路行軍萬戶總管
管民長官依奉牙魯花赤衆斷事官言語權授
襲封衍聖公降到印信兼曲阜令
湏之固子元憲宗元年繼伯祖元措襲封八年
族人以不事儒雅攻之褫其爵罷爲維州尹無
子自端操至湏凡六世北襲封嗣絕於是推端
立之後焉

五十三代浣字日新贈中議大夫太常禮儀院同
僉上騎都尉追封平郡伯再贈通議大夫禮部
尚書上輕車都尉追封魯郡侯生子一思晦

治字世安之全子壬子年補替父闕克曲阜管
民長官中統元年改曲阜令四年權王祀事至
元十三年授承事郎曲阜令兼管諸軍與魯仍
權祀事二十二年授奉訓大夫單州防禦使二
十九年遷奉直大夫密州知州元貞元年赴闕
朝見特授中議大夫襲封衍聖公子思誠罷封
五十四代思晦字明道按宗譜先是宗愿生若蒙
若虛至是皆絕次生若愚若愚生端立端立生
琥琥生拂拂生元孝元孝生之厚之厚生浣浣
生思晦天資穎秀羈非讀書卽識大義受業導

江張先生頌講求義理至大中舉孝廉授范縣
寧陽兩縣教諭受業諸生不忍舍去仁宗卽位
防問孔子之後儒臣元明善等曰思晦嫡長應
嗣時延祐三年六月遂授中議大夫襲封衍聖
公給月奉自百緡加至五百緡鑄四品印泰定
四年改嘉議大夫至順三年改鑄三品銀印初
廟無垣墻角樓金絲堂毀於兵思晦言於濟寧
總管張仲仁請於朝於是角樓廟垣金絲堂成
聖考加封啟聖王設司樂管勾典籍皆思晦所
請也先是五季孔未之徒盛以僞亂真感聖裔
幾盡至是復欲冒聖後思晦語衆曰彼與吾宗
不共戴天之讎列拜殿庭可乎合宗族稽典故
斥之旣又重刻宗支于石族系益明卒年六十
七其曰群鷓翔鳴舍上神光自東南降其舍北
贈通奉大夫河南江北等處行中書省叅知政
事護軍追封魯郡公謚文肅生子一克堅
五十五代克堅字璟夫性聰學博善詩詞尤精樂
府至元元年授嘉議大夫襲封衍聖公至正八
年朝廷謂公爵與階不稱制授中奉大夫賜以
銀章十五年平章達世帖木兒薦克堅明習禮

學徵爲同知太常禮儀院事攝太常卿遂拜治
書侍御史辭歸追拜山東廉訪使受詔復辭歸
會山東亂北行抵藁城召入爲集賢直學士十
九年遷禮部尚書出爲西臺侍御史召拜國子
祭酒世亂不樂居朝謝病歸復起爲集賢學士
階資善大夫御史臺奏復山東廉訪使終不起
二十六年

兵取中原

太祖高皇帝手詔趣入

覲待以賓禮而不名賜廩祿不煩以政郊社必

致膳肉慰勞甚至

上嘗謂曰爾有福快活人也政不煩爾洪武三年
以疾告遣中使存問日再至疾篤詔驛傳還家
賜白金百兩雜綵十端錢物稱是三月次邳之
新安驛卒于舟中諸子扶柩歸葬祖墓西北年
五十五生子九長希學次希說希範希進希麟
希鳳希順希尹希贊按孔氏分九門自此始
五十六代希學字士行年二十一至正五年授中
奉大夫龔封衍聖公元末兵起誓不汙亂侍父
走燕南召見拜秘書卿仍龔封焉洪武元年朝

京師問以歷代治理條對甚悉

上嘉之賜雜絲六端卽命回守祖庭是年十二月授資善大夫罷封衍聖公歲入覲

賜予稠疊恩禮益隆歲旦萬國來朝特命班列

上相始至中使慰勞館餽雖童隸無不沾給

祖庭兵後廊廡圯壞祭田荒蕪官賦徵逼條理復故禮器樂器樂舞儀式次第舉皆希學請也卒年四十七

朝廷遣使致祭墓西北生子二訥謂

五十七代訥字言伯篤學恭謹能詩書工篆法

洪武十六年丁父憂以國哀赴京祭

孝陵旣竣事入覲

太祖顧謂廷臣曰孔訥真聖人子孫也賜膳光祿

命禮官館于太學遣尚書劉仲質勞問日繼庖

廩復賜衣服鈔錠充物館舍將俾罷爵以居喪

乃止十七年正月朝京師二月二日拜罷封之

命受誥

大廷百僚班列仍勅禮官以教坊樂導至太學學

官率諸生二千餘人迎於成賢街觀者莫不贊

歎明日入謝復

賜罷衣宴於禮部誥詞吏部奏用資善階

上諭曰既爵公勿事散官但誥以織文王軸爲異耳遂爲故事每歲入覲得給符乘傳班序列文臣首厚其廩餼下及侍從皆古未有者也三十三年九月十六日以疾卒年四十三塋祖墓西北祔考墓也生子四長公鑑次鐸鈞鏜

五十八代公鑑字昭文生而岐嶷長益端謹洪武三十三年襲封衍聖公嗜學尤篤三十五年四月五日以疾卒年二十三

太宗文皇帝臨御之初遣使論祭生子彥縉

五十九代彥縉字朝紳其名與字皆

仁宗昭皇帝所命也蚤孤母胡夫人教育之永樂八年十二月襲封衍聖公

太宗觀其言動進退從容喜謂侍臣曰真聖人之裔也館之太學禮待甚厚既歸日讀祖書不懈洪熙元年賜第於東安門北宣德正統間禮遇尤厚景泰二年

上幸太學特召率三氏子孫觀禮遣內官金英傳旨衍聖公來朝與正一品衣服一套鈔二千貫下程羊酒永依此例又賜三氏子孫冠帶錦衣越

三年朝會復賜三臺銀印玉帶織錦麒麟衣文
視一品皆異數也卒年五十五命禮部治喪工
部治墳塋祖墓之次生子四承慶吉澤源

六十代承慶字 年六歲遭母夏夫人喪奉父

一及繼母盡孝既長從三氏學學錄 孔克宴學

所著有禮庭吟藁行於世未襲爵而卒景泰六

年十二月贈襲封衍聖公塋祖考墓之次生子

二長弘緒次弘泰

六十一代弘緒字以敬早失怙景泰六年十二月

十三日襲封衍聖公時年八歲延入內官特

賜金鈕麒麟圖書御篆謹禮崇德四字亦異數也

弘治十七年以疾卒年五十七塋祖墓之次生

子二聞韶次禮

弘泰字以和成化六年五月十一日以侄尚在

糴祿權繼兄襲封衍聖公弘治十六年五月十

六日以疾卒年五十四

六十二代聞韶字知德弘緒長子弘治十六年襲

封衍聖公篤學明敏本年巡撫都御史徐源奏

聞韶係孔子六十二代孫次當襲封

上曰崇儒重道莫先於孔氏其亟行之事下吏部遣

一官詣闕里傳召命是歲九月入覲襲封焉擇日
一上表陳謝如儀 上益思所以褒崇之者特遣
一中貴人持王帶一麒麟文綺一以 賜仍畀之
一璽書以侈其事一時文武廷臣下暨宿衛將校
至都人士見者莫不稱嘆曰

朝廷待宜聖之後其盛如此吾等何幸親見云自
館閣九卿相率爲詩以紀其盛詳見振鷺集
嘉靖二十五年二月十二日以疾卒年六十五
詳見誌銘生子二長貞幹次貞寧

六十三代貞幹字用濟嘉靖二十五年襲封衍聖
公嘉靖三十五年七月抱疾慶

賀

萬壽聖節至京疾亟

世宗皇帝遣御醫徐煇來視八月初八日卒於賜
第年三十八生字尚賢

六十四代尚賢字象之別號龍宇嘉靖三十五年
襲封衍聖公年方十四歲早失怙幸祖母衛太
夫人養育至是拜襲封之

命蒙

世宗皇帝特勅該部傳與撫按官知道孔尚賢年

幼你撫按官不時存問他敢有族人恃長欺凌
他的指名衆來治罪歷侍四朝三幸辟雍

賜宴賜茶冠帶錦云八酬叠益隆奉

神宗皇帝留京隨朝禮遇尤篤天啓元年十

二月二十四日以疾卒於

賜第年七十九遣禮部尚書孫慎行致祭工部造
墳遣行人盧時泰亦護靈歸墓祖墓之次生子胤
椿先於萬曆年

題准比照勲衛

欽依冠服長子麟

也犀帶皆異數也次胤桂襲五

經博士俱早卒無嗣先於四十七年取嫡次枝
堂侄孔胤植到京承繼

題授五經博士至次年繼父尚賢既卒於天啓二
年五月襲封焉

六十五代胤植字懋甲天啓二年五月襲封衍聖
公蚤年失怙事母以孝聞于鄉里長而入繼大
爵恢擴大度磊落不凡聖門典故有廢墜不修
者悉力請于朝煥然一新於崇禎庚辰山左大
飢災疫盛行變產糶谷賑濟貧民活者幾千人
是歲姚賊倡亂數萬之衆圍攻曲阜萬馬奔騰

人心風鶴披堅城頭親冒矢石賊畏其威悉拜
而去曲邑安堵者悉公之力也且三遇

臨雍賜宴賜茶恩賚亟渥於崇禎元年加太子太
保又於崇禎三年加太子太傅恭遇


皇清定鼎盛京首先趨

朝又際巡撫山東方大猷題

請故封爵加銜一体紹舊因而給印賜茶宴恩篤
一時之盛於順治四年十二月十五日以疾終于
家年五十六訃音奏聞蒙遣山東左布政

致祭工部造墳葬於祖墓之北子一與燮

六十六代燮字超曰順治五年三月襲封衍聖公於
順治七年晉階太子少保又於順治八年晉階保
善太子太保



世志
卷之二
三十三

嘉太平六年

則帝于平晉謂太子少伯天賦聖人平晉則其
十六年則帝以平晉謂太子少伯天賦聖人平晉則其

闕里誌卷之七

襲翰林院五經博士一人

述聖子思子書院在兗州府鄒縣南門外舊名中
庸精舍相傳即孟子受業處也

國朝弘治十六年題 准世以衍聖次子襲翰林
院五經博士奉子思子書院祀事每歲春秋二祭
博士赴鄒縣主祭從衍聖公間韶之所請也

博士題名

孔聞詩字知言六十二代係衍聖公弘泰長子以
父代兄襲封弘治十六年恩廕前職

孔聞禮字知節六十二代係衍聖公弘緒次子正
德元年世襲前職

孔貞寧字用致六十三代係衍聖公聞韶次子嘉
靖二十五年世襲前職 係六十五代衍聖公
胤植祖改贈衍聖公

孔胤桂六十五代係衍聖公尚賢次子萬曆二十
二年世襲前職

孔胤隆字懋德六十五代天啓四年聖公借任前
職

孔尚達字之六十四代崇禎元年聖公借任前
職

孔胤相字懋 六十五代崇禎 年聖公借任前
職

孔胤錫字懋 六十五代崇禎十四年聖公借任
前職

孔胤鈺字懋 六十五代崇禎十六年聖公借任
前職

孔毓麟字 六十七代順治七年聖公借任前
職

關里誌卷之八

歷代授官恩澤

漢

高帝元年賜孔聚爵蓼侯傳子臧孫琳曾孫黃俱

嗣侯後坐事失爵

武帝元朔二年拜孔臧為太常恩賜如三公

元帝永元間以十八代孫澍為魯從事此孔氏任

鄉官之始

桓帝詔孔氏一人為魯從事終漢世十有一人

延熹間二十代孫浮

綱

承俱任東魯督

郵

北魏

文帝皇興二年詔孔氏四人為官

孝文帝太和十六年帝祀孔子拜孔氏四人為官

南宋

文帝元嘉三年詔十八代孫孔鮒為百戶主掌禮

器

唐

開元五年以璲之為兗州長史

十三年詔文宣公家每代長子承襲兼賜一子

官

萱兗州泗水縣令

建中三年除齊卿兗州功曹參軍

文瑾齊卿子兗州都督府功曹

策曲阜尉

緒溫裕子唐曲阜令

元和四年以惟昉為兗州參軍

十三年以惟暉為兗州參軍

十五年詔文宣王家與一子官

會昌五年詔文宣王後與一子官

大中元年詔文宣王後與一子官

乾符二年詔文宣王後與一子官

天祐中以光嗣爲交州泗水令

景得間以冕爲交州參軍

大中祥符元年詔近屬授官及賜出身者
人

天聖五年以良輔任仙源縣主簿

寶元二年以國子監簿宗愿知仙源縣慶曆

三年以大理寺丞再任

慶曆五年以宗禎將作監丞知仙源縣

宗質從事郎仙源縣丞

熙寧三年以讓封衍聖公若蒙仙源縣主簿

元豐元年以若升仙源縣主簿五年以新泰

縣令監脩祖廟

元祐四年以傳任仙源縣主簿八年任仙源

縣尉

政和五年以朝奉郎任京東路轉運司管勾

文字

崇寧三年以宗哲補迪功郎

大觀二年以若谷爲文林郎任仙源縣丞

本年以宗哲爲從事郎任兗州觀察推官政
和三年任仙源縣丞

四年勅孔子四十八代孫端友管勾祀事

宣和元年以端節爲宣教郎任京東路轉運

司管勾公事

四年以若采補迪功郎充興仁府濟陰縣主

簿

五年以堦任通直郎仙源縣丞

七年以端問爲迪功郎任仙源縣丞

建炎二年以松爲三教郎兼書泰寧軍節度

判官廳公事

紹興二年以瓚補迪功郎此後四十九代瓚

授迪功郎瓚授迪功郎池州石埭主簿瑄授

迪功郎終從事郎珉授迪功郎萃夫授迪功

郎行可授迪功郎奉南嶽祠贈太子少傅璨

授迪功郎奉南嶽祠璋授迪功郎奉南嶽祠

五十代元龍授迪功郎饒州餘干縣主簿

金

天會八年以若鑑爲迪功郎任仙源縣主簿

皇統二年改仙源縣復曲阜舊名以登仕郎

瑀任主簿

五年以將仕郎瓌任曲阜縣主簿

天德二年以淵爲承直郎任兗州司法參軍
本年以政爲忠勇校尉任曲阜縣尉

明

天啓改元駕幸國學特賜觀禮生員孔聞範
孔聞謨孔貞祚送監讀書下銓部優選從衍
聖公胤植之請也永依此例

崇禎改元年駕幸國學特賜生員孔聞俊孔
貞芳孔尚皞孔尚遜送監讀書

世職知縣

按史漢以前曲阜爲魯國故有從事督郵之官
隋改爲曲阜縣以後則有令至宋以京朝官知
縣事故有以殿中丞知縣事者有以光祿丞知
縣事者皇祐三年詔今自仙源縣官復于孔氏
子弟中選用崇寧間又詔文宣王當聽一人注
兗州仙源縣官有丞有簿有尉大抵皆世官也
金末及元常以衍聖公兼知縣事故有世襲縣
尹至

明革世襲始改爲世職知縣云

唐

四十四代孫緒任曲阜令四十一代孫昭儉累宰曲阜

後漢

長興初以仁王爲主簿兩考滿陞縣令

後周

廣順二年復授仁王縣令

駕幸林廟召對數刻稱旨復口授是官兼

監察御史

宋

乾德四年授宜曲阜主簿奉祀事后任縣令宜

闕上書述其世家召見授是官至道三年授延世主簿真宗初

呂端奏召見改縣令

祥符二年以太常博士孔勗知仙源縣事

真宗改曲

阜曰仙源

祥符四年以延魯知縣事主管祠廟

祥符九年以道輔知縣事

天禧五年聖祐以光祿丞知縣事

慶曆五年以匠作監丞宗亮知縣事

卽舜亮

慶曆八年以彥輔爲主簿任滿除將作監主簿

告養親十五年服闋知縣事

嘉祐元年以宗翰知縣事

四年以洵以屯田員外郎知仙源縣事

治平四年以宗壽任主簿紹聖元年知縣事

寶慶元年宋平山東元用以通直郎任縣令

金

世宗大定初思遠入覲授承事郎曲阜令

大定二十二年世宗召見衍聖公摠特授兼

縣

章宗承安二年克昌任縣令

勅襲封衍聖公年及十七兼曲阜縣令

元

太祖十五年木華黎平山東承制以故宋縣令

元用世襲曲阜令傅子之全孫治俱世襲

至元二十二年授思誠從事郎襲縣尹

延祐間授孔濟承事郎曲阜尹

至治二年思凱由國子生襲縣尹

元統初以克欽襲縣尹

至正十二年以從仕郎希大襲縣尹

二十三年授希章從仕郎曲阜縣尹

明

洪武元年改故元縣尹希大為承事郎曲阜尹

七年以克伸為世職知縣

希大坐罪廢世襲改世職衍聖公希學同

職 族人思矩等二十八人赴京保舉克伸堪任前

太祖高皇帝召見問曰你曉得作詩麼對曰臣頗曉
上曰頗曉卽是曉的命以蔣山爲題須臾詩誠
天顏大喜謂詞數遍笑曰莫說你別才調只這首

詩也該與你個知縣做遂領 勅赴任嘉靖二
十八年入鄉賢祠
一孔氏世職始此

洪武十五年克慈母任

洪武十七年希文任

洪武二十八年希範任

永樂九年克中任以上俱領 勅赴任嘉靖戊
子入鄉賢祠

宣德九年公鏜任勅封承事郎妻王氏封孺人

景泰元年譔任勅封文林郎入鄉賢祠父希武
如其官母胡氏妻黃氏俱孺人

天順五年公錫繇舉人任勅封文林郎封父
如其官母劉氏繼任

歲氏妻李氏俱孺人以考績加交州府通判銜
仍管縣事一按世職加銜自此始

成化八年變任勅封文林郎加交州府通判銜
父希敬如其官母鮑氏妻朱氏

俱孺人

成化二十三年希永繇監生任

弘治二年彥士繇舉人任勅封文林郎父公綬
如其官母王氏妻陳

氏俱孺人

正德元年承泗任

正德五年承夏繇監生任

正德十一年公統任

嘉靖元年承震繇舉人任勅封文林郎妻孫氏

嘉靖十一年公珏繇監生任勅封文林郎妻許氏

嘉靖二十一年公澤任

嘉靖二十五年承業任勅封文林郎父彥學加其官母陳氏妻劉氏俱

孺人

嘉靖四十二年弘廊繇歲貢任以前聖公保舉以後兩院考選

隆慶二年承厚廩生任蒙兩院薦舉考行題授前職未幾致仕

萬曆元年弘復繇廩生任奉題准新例繇提學道考選廩生呈兩

院覆考送部題授前職四年始奉例調覲加銜歷官運司同知贈父承英如其官母許氏妻孫氏俱

官人

萬曆二十二年貞教繇廩生任照例考選除授前職二十八年

以衍聖公奏兩院勘明改常州府學教授三十二年陞京衛武學教授三十五年仍以本縣知

縣候缺

萬曆二十七年貞叢繇廩生任照例考選除授前職加銜

塩運使贈父文聖如其官母高氏妻刑氏朱氏俱宜人

天啟元年聞簡繇廩生任照例考選前職陞東昌府通判奉

崇禎二年弘毅繇廩生任照例考選除授前職

崇禎十三貞堪繇廩生任照例考選除授前職

清

順治元年十二月十五日胤淳由廩生任由衍聖公

保舉咨部 題授前職於順治五年加陞東
府通判管理曲阜事

高晉二十平貞業繼顯主武

華姓

三平聖京辭光學 雜錄三十一
以論聖公奏所訓 雜錄三十一
高晉二十二平貞業繼顯主武

四氏學錄

按建學始于魏黃初二年至宋祥符二年令就
廟建學以訓孔氏子孫猶未開設官也至乾興
元年孫宣公守交請以楊光輔為講書轉奉禮
郎元祐元年置教授一員於舉到文官內差或
委本路監司保舉有行義人充令教訓本家子
弟四年尹復泰以文潞公薦為教授本年又設
學錄一員蓋當時教授自署 此學錄官名之始也 金元間
更置不一至世祖中統初詔立曲阜廟學選師
儒充教授正錄各一至我

明洪武元年設孔顏孟三氏子孫教授一員用
異姓學錄一員宣德以後始以聖裔任俱聽衍
聖公保舉咨部銓除萬曆十五年山東巡按毛
題准入考察按本學考察自此始然既添考
察宜並行黜陟倘不肖者黜矣非陞遷何以勵
賢能云

前代

塘任廟學正

之威孫單父教諭轉廟學正終費鄒二縣尹

思永

克全

洵以上俱任廟學正

摯終塲及第授從仕郎廟學教授

汾繇肥城諭轉三氏教授

思賁

希聖俱任三氏子孫教授

元順任廟學錄

明

克晏宣德元年任兼族長

論景泰六年任

克旻 天順八年任

克駒 成化三年任兼族長

公璜 成化丁酉年在脩理祖廟瑩寢考正家門

先生獲家門如獲元氣人仰先生如泰山北斗
云一以前皆錄儒士衛聖公同族眾公舉年德
俱尊學問
憂長者任

公杰 嘉靖十二年任

公鉉 嘉靖十三年任

彥衢 嘉靖十九年任

彥佩 嘉靖三十一年任以上俱錄歲貢

承鎬 嘉靖三十九年任

承作 萬曆八年任

承飲 萬曆十七年任

聞諫 萬曆二十八年任以上俱錄生員

聞評 泰昌元年錄廩生任

弘養 崇禎六年由附學生員任

尼山涑泗

書院世職學錄

元

至順二年衍聖公思晦請設尼山書院涑泗

書院山長各一員

本年以彭璠為山長

至元三年以谿達職為山長

初以異姓任後改孔氏子孫任之

泗山長自孔濱始尼山山長自思本始

明

洪武元年部議題

准仍元之舊額設尼山洙

泗二處山長各一員聽衍聖公保舉族人之賢

者任

正德二年衍聖公聞韶奏改山長職銜為學錄

職視國子監

洙泗書院學錄題名

孔彥遠

孔弘述

孔弘墳

孔弘顥

光宗幸學恩賜表禮馳驛歸里

孔尚澄

崇禎六年任

尼山書院學錄題名

孔彥章

孔弘馨

孔胤相

孔興榮

弘謙崇禎九年由廩生任

胤統崇禎十一年由廩生任

聞然崇禎十四年由增生任

貞綱順治四年由附學生員任

太子太傅襲封衍聖公臣孔胤植謹
奏爲懇

恩准復舊例以隆作養以光

典朝盛典事竊臣忝厠聖裔惟知詩禮督教族屬
明政務矚忠孝而爲

朝廷任使欽奉

新旨凡襲封衍聖公悉照歷朝相沿期於優渥案
查官屬宜從衍聖公保舉臣查得四氏學教授
自宋乾興元年以楊光輔充講書至元祐元年
置教授一員至元世祖中統初詔立曲阜縣廟

學選師儒充教授正錄各一。至明洪武元年設孔顏孟三氏教授一員。用異姓學錄一員。以聖裔任。俱聽衍聖公保舉。咨部銓除。萬曆十五年該山東巡按毛御史題。准入考察。各保舉舊例。見在闕里誌。可考。明末廢弛。至萬曆年間。臣之官屬。每每多缺。間有以教諭陞授者。此數年之權便實非相沿舊例也。臣廉訪得兗州府儒學生員王世祿。已經銓部。茲者恭遇興朝鼎建。聖賢裔孫尚欲額外加恩。以符優渥之

新旨。而因循舊典。豈可頓廢如生員王世祿。係二東名士。學博今古。臣方敢循例咨銓。况世祿見蒙兩院委署學務。模範聖裔。理合具奏伏乞

皇上俯念聖裔必得名譽之士。啟迪陶鎔。勅下吏部。卽將生員王世祿。遵照相沿舊例。速行題授。庶得舊例允符。而聖賢裔孫仰賴。未必無補矣。臣臨奏可勝惶悚戰慄待


命之至

順治二年 月

日奉

旨該部知道

題門氏學教授疏



孔庭族長

崇寧二年詔文宣王家選親族一名判司簿尉
事卽以家長承繼此家長之名所從來也至于
舉事則佐家長督理林廟繩愆子孫者
明始云

四十九代瓚 璫 璫 珉 玢 璋 璞

瑄 俱以自身最長授廸功郎

五十代撫

元武宗二主大元年論祭差學士王德淵初獻元州知州馬禧亞獻家長撫

三獻

五十一代元祗 一元裕 繇恩州教授將仕郎濟陽簿致任族長

五十三代涇

舊名一沐字世清元興化路學士正累翰林一國史院檢閱官我

太祖革命以賢良官世祖居臨濠衍聖公克堅奏請釋還鄉里為孔庭族長洪武十七年九月十五日太祖召見應對稱旨面賜藤拐一枝諭令王領家務教訓子孫永遠遵守

五十四代思楷

一思標 思楷請修祖廟同聖公世尹上表謝 恩賜賚有加

五十五代克晏

克煦 俱兼三氏學錄 克勳 克晟

五十六代希晟

希琛 希迺 希瑄

希瑾 希瑒 俱 恩賜壽官

五十七代諱

誦 譔 俱 恩賜壽官

五十八代公寵

公寧 公舒

五十九代彥乾

光宗幸學陪祀賜錦衣冠帶

今上臨雍欽取觀禮賜賚有加二次俱馳驛歸里
家庭舉事

五十八代公錄

公性 公源

六十代承流

承茂

前家長希琛希瑄俱兼舉事
事內公源又以舉事轉家長冠帶壽官

弘超 崇禎六年任

事轉察其取帶書官

前察其命察其能其辨舉事準山公職又其樂

六十升承派 承效

正十八升公繼 公封 公派

承實舉事

今上論棄其取辨其顯資育賦二火其興其

